

**ՀԱՍՏԱՏՎԱԾ Է**

«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ ՏՆՕՐԵՆՆԵՐԻ ԽՈՐՀՐԴԻ 09/12/2013թ. ՈՐՈՇՄԱՄԲ (արձանագրություն թիվ 3)

**ՓՈՓՈԽՎԱԾ Է**

«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ ՏՆՕՐԵՆՆԵՐԻ ԽՈՐՀՐԴԻ 12/10/2017թ.-ի ՈՐՈՇՄԱՄԲ (արձանագրություն թիվ 27)

**ԳՐԱՆՑՎԱԾ Է**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿՈՒՄ

ՀՀ կենտրոնական բանկի նախագահ՝

( ստորագրություն )

ԽՈՐՀՐԴԻ ՆԱԽԱԳԱՀ

  
  
ՀԱԿՈՐ ԱՆՈՒԵԱՅԱՆ


**Amundi ACBA**  
ASSET MANAGEMENT

«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» փակ բաժնետիրական ընկերության

Հավասարակշռված կենսաթոշակային ֆոնդի


ԿԱՆՈՆՆԵՐ

(նոր խմբագրություն)

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 2/34
		Կազմվել է՝ 10.12.2013
		Փոփոխվել է՝ 12.10.2017

**ԲՈՎԱՆԴԱԿՈՒԹՅՈՒՆ**


Սահմանումներ .....	3
1. Ընդհանուր դրույթներ .....	6
2. Ֆոնդի փայերը.....	6
3. Ֆոնդի փայերի թողարկումը, բաժանորդագրությունը, մարումը և դրանց կասեցումը .....	6
4. Մասնակիցների իրավունքներն ու պարտականությունները.....	8
5. Կառավարչի իրավունքներն ու պարտականությունները .....	10
6. Ներդրումային քաղաքականություն և դրա հետ կապված ռիսկեր .....	11
7. Ածանցյալ Ֆինանսական գործիքներ. կիրառման շրջանակը և ռիսկերը .....	18
8. Ֆոնդի եկամուտը.....	19
9. Ներդրումային որոշումների կայացման ընթացակարգը և պատասխանատու անձինք ....	19
10. Վճարներ և ծախսեր.....	20
11. Փայի հաշվարկային արժեք, տեղաբաշխման և մարման գներ .....	22
12. ԶԱԱ հաշվարկը .....	23
13. Փայերի փոխանակման ընթացակարգը.....	29
14. Ծրագրային վճարների հաշվարկի և իրականացման ընթացակարգը.....	30
15. Փայերի հետգնումն ապահովագրական ընկերությանը փոխանցելու նպատակով.....	30
16. Ֆոնդի կառավարչի և պահառուի փոփոխությունը .....	30
17. Որոշակի գործառնությունների պատվիրակման ընթացակարգը .....	31
18. Ֆոնդում Կառավարչի սեփական ներդրումների և մարումների ընթացակարգ.....	32
19. Մասնակիցներին փոխհատուցման կարգը .....	32
20. Տեղեկատվության հրապարակում .....	33
21. Ֆոնդի տեսակի փոփոխումը, միացումը և դադարումը .....	34
22. Կանոնների ընդունումը, փոփոխությունը և վերաշարադրումը .....	34

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b>  <b>ՓԲԸ</b>  <b>Հավասարակշռված կենսաթոշակային ֆոնդ</b>  <b>Կանոններ</b></p>	Էջ՝ 3/34
		Կազմվել է՝ 10.12.2013
		Փոփոխվել է՝ 12.10.2017

## Սահմանումներ


Սույն կանոններում (այսուհետ՝ Կանոններ) մեծատառերով նշված և այլ կերպ չսահմանված հասկացություններն ունեն հետևյալ նշանակությունները.

- «ՀՀ»՝ Հայաստանի Հանրապետություն,
- «Կառավարություն»՝ ՀՀ կառավարություն,
- «Կենտրոնական բանկ»՝ ՀՀ կենտրոնական բանկ,
- «Օրենք»՝ «Կուտակային կենսաթոշակների մասին» ՀՀ օրենք,
- «Կառավարիչ»՝ «ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ,
- «Ամունդի»՝ Կառավարչի բաժնետեր հանդիսացող Ամունդի Ասեթ Մենեջմենթ բաժնետիրական ընկերություն,
- «Ֆոնդ»՝ «ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ հավասարակշռված կենսաթոշակային ֆոնդ,
- «Ֆոնդերի կառավարիչ»՝ Կառավարչի աշխատակից, ով կառավարում է Ֆոնդի ակտիվները,
- «Ֆոնդի փայ»՝ Ռեեստրավարի կողմից Ֆոնդի կազմում թողարկված ներդրումային արժեթուղթ, որը վկայում է դրա սեփականատիրոջ՝ Ֆոնդի ակտիվներում մասնակցություն ունենալու իրավունքը,
- «Մասնակից»՝ Փայի սեփականատեր,
- «Կուտակային հատկացում»՝ Փայեր ձեռք բերելու նպատակով սոցիալական վճար կատարող Մասնակցի համար (օգտին) կատարվող դրամական հատկացում, որը ձևավորվում է այդ սոցիալական վճարներից և Օրենքի համաձայն՝ ՀՀ պետական բյուջեից հատկացվող միջոցներից,
- «Ռեեստրավար»՝ իրավաբանական անձ, որը Կառավարության հետ կնքված պայմանագրի հիման վրա վարում է մասնակիցների ռեեստրը, ինչպես նաև իրականացնում է Օրենքով և Կառավարության հետ կնքված պայմանագրով նախատեսված այլ գործառույթներ,
- «Պահառու»՝ Ֆոնդի ակտիվների պահառության ծառայություն մատուցող անձ, որը «Ներդրումային ֆոնդերի մասին» ՀՀ օրենքով և այլ օրենքներով սահմանված կարգով և

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b>  <b>ՓԲԸ</b>  <b>Հավասարակշռված կենսաթոշակային ֆոնդ</b>  <b>Կանոններ</b></p>	Էջ՝ 4/34
		Կազմվել է՝ 10.12.2013
		Փոփոխվել է՝ 12.10.2017


Կառավարչի հետ կնքված պայմանագրի հիման վրա ի պահ է ընդունում, պահպանում և հաշվառում է Ֆոնդի ակտիվները, իրականացնում է Ֆոնդի ակտիվների կառավարման հետ կապված գործարքների սպասարկումը և դրանց հիման վրա ակտիվների փոխանցումը, ինչպես նաև իր իրավասությունների շրջանակում վերահսկում է Կառավարչի գործունեությունը՝ ի շահ Մասնակիցների,

- «Երաշխիքային ֆոնդ»՝ Օրենքի 46-րդ հոդվածի համաձայն ստեղծված ֆոնդ,
- «Ռեեստրավարի վճար»՝ Ռեեստրավարի ծառայությունների դիմաց վճար, որը կատարվում է Կառավարչի հաշվին՝ նրա հետ կնքված պայմանագրի համաձայն,
- «Պահառուի վճար»՝ Պահառուի ծառայությունների դիմաց վճար, որը կատարվում է Կառավարչի հաշվին՝ նրա հետ կնքված պայմանագրի համաձայն,
- «Կառավարչի պարգևավճար»՝ Կառավարչի ծառայությունների դիմաց վճար, որը սահմանվում է Օրենքով,
- «ԶԱԱ»՝ զուտ ակտիվների արժեք,
- «Գնահատման օր»՝ այն օրն է, որի համար հաշվարկվում է ֆոնդի ԶԱԱ-ն:
- «ԶԱԱ-ի հաշվարկման օր»՝ այն օրն է երբ հաշվարկվում և Ռեեստրավարին է ներկայացվում ֆոնդի ԶԱԱ-ն:
- Կտրման պահ՝ որոշակի պահ, որի դրությամբ հաշվարկվում են ֆոնդի զուտ ակտիվների արժեքը: Հայաստանի Հանրապետությունում թողարկված գործիքների համար Կտրման պահն է Գնահատման օրվա ժամը 23:59-ը, իսկ արտասահմանյան գործիքների համար Կտրման պահն է Ֆոնդի ադմինիստրավորման գործակալի ժամանակով ԶԱԱ-ի հաշվարկման օրվա 08:30-ը:
- «Անուիտետ»՝ ապահովադրի կողմից պայմանագրով նախատեսված գումարի միանվագ կամ պայմանագրով նախատեսված պարբերականությամբ վճարումն ապահովագրողին, որի դիմաց ապահովագրողը պարտավորվում է պայմանագրով նախատեսված ժամկետում և պարբերականությամբ ապահովադրին կամ շահառուին վերադարձնել վճարված գումարը և պայմանագրով երաշխավորված եկամուտը,

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ <b>Հավասարակշռված կենսաթոշակային ֆոնդ Կանոններ</b></p>	Էջ՝ 5/34
		Կազմվել է՝ 10.12.2013
		Փոփոխվել է՝ 12.10.2017

- «Ծրագրային վճար»՝ Մասնակցի կենսաթոշակային տարիքը լրանալուց հետո նրա անունով բացված կենսաթոշակային հաշվում հաշվառված Ֆոնդի փայերի մարման հաշվին ամսական կտրվածքով սահմանված կարգով տրամադրվող գումար,
- «Միանվագ վճար»՝ պարտադիր կուտակային կենսաթոշակի տեսակ, ինչպես սահմանված է Օրենքով,
- «Շահառու»՝ կենսաթոշակային տարիքը լրացած Մասնակից կամ նրա ժառանգ, որն իրավունք է ստացել Օրենքով սահմանված կարգով ժառանգել Ֆոնդի փայերը կամ Անուփոխերը,
- «ԵՄ»՝ Եվրոպական Միություն,
- «ՏՀԶԿ»՝ Տնտեսական համագործակցության և զարգացման կազմակերպություն,
- «Արտաքին աուդիտոր»՝ օրենսդրությամբ սահմանված կարգով աուդիտորական ծառայությունների իրականացման իրավունք ունեցող անկախ աուդիտ իրականացնող անձ,
- «Կանոնակարգ 10/17»՝ Կենտրոնական բանկի խորհրդի 2012 թվականի մարտի 6-ի թիվ 62-Ն որոշմամբ հաստատված «Կենսաթոշակային ֆոնդի ակտիվների եկամտաբերության հաշվարկի մեթոդաբանությունը և եկամտաբերության մասին տեղեկատվության ներկայացման չափանիշները» կանոնակարգ 10/17,
- «Կանոնակարգ 10/12»՝ Կենտրոնական բանկի խորհրդի 2013 թվականի դեկտեմբերի 24-ի թիվ 309 Ն որոշմամբ հաստատված «Պարտադիր կենսաթոշակային ֆոնդի ակտիվների հաշվին կատարվող ծախսերի կազմն ու առավելագույն չափը» կանոնակարգ 10/12,
- «Փայի փոխանակում»՝ Փայերի փոխանակում Օրենքով սահմանված իմաստով,
- «Ոչ փոխարկելի արժույթ»՝ ցանկացած արտասահմանյան արժույթ, որը հիմնականում օգտագործվում է ներքին գործարքների համար և ազատորեն չի վաճառվում արտարժույթի (forex) շուկայում,

Սույն փաստաթղթում օգտագործված այլ հասկացություններն ունեն Օրենքով, «Ներդրումային ֆոնդերի մասին» ՀՀ օրենքով, «Արժեթղթերի շուկայի մասին» ՀՀ օրենքով և Կենտրոնական բանկի կանոնակարգերով սահմանված իմաստները:

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 6/34
		Կազմվել է՝ 10.12.2013
		Փոփոխվել է՝ 12.10.2017

## 1. Ընդհանուր դրույթներ

1.1. Ֆոնդի կառավարչի լրիվ անվանումն է՝ «ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» փակ բաժնետիրական ընկերություն:

1.2. Ֆոնդի լրիվ անվանումն է՝ «ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ հավասարակշռված կենսաթոշակային ֆոնդ:

1.3. Ֆոնդը պայմանագրային, ստանդարտ, բաց ներդրումային ֆոնդ է:

1.4. Կառավարչի հասցեն է՝ Հայաստանի Հանրապետություն, 0010 ք. Երևան, Վ. Սարգսյան փող. 10, տարածք 100-101:

1.5. Ֆոնդի հաշվապահական հաշվառման և հաշվետվությունների պատրաստման կազմակերպման, ֆոնդի զուտ ակտիվների արժեքի, փայերի հաշվարկային արժեքի հաշվարկման գործառույթները Կառավարիչը պատվիրակել է «ԿԱՍԵԻՍ Ֆանդ ադմինիստրեյշն» բաժնետիրական ընկերությանը (CACEIS Fund Administration) (այսուհետ՝ Ֆոնդի ադմինիստրավորման գործակալ):

1.6. Ֆոնդի ադմինիստրավորման գործակալի հասցեն է՝ Ֆրանսիա, 75013 ք. Փարիզ, 1-3, Փլեյս Վալիուբերտ:

1.7. Ֆոնդի պահառուն և Մասնակիցների ռեեստրավարը «Հայաստանի Կենտրոնական Դեպոզիտարիա» ԲԲԸ-ն է (այսուհետ՝ Պահառու կամ Ռեեստրավար՝ կախված իմաստից):

1.8. Պահառուի(Ռեեստրավարի) հասցեն է Հայաստան, 0010 ք. Երևան, Միեր Մկրտչյան 5բ:

1.9. Սույն Կանոնների և ՀՀ օրենքների կամ նորմատիվ այլ իրավական ակտերի միջև հակասության պարագայում գործում են ՀՀ օրենսդրությամբ սահմանված պահանջները:

## 2. Ֆոնդի փայերը


2.1. Ֆոնդի փայը ներդրումային արժեթուղթ է, որը հավաստում է Օրենքով սահմանված կարգով Մասնակցի՝ կուտակային կենսաթոշակ ստանալու իրավունքը: Ֆոնդի անունից կարող են թողարկվել միայն մեկ դասի փայեր: Մասնակցին պատկանող փայերը ներկայացնում են նրա բաժնետնասը Ֆոնդի ակտիվներում:

2.2. Ֆոնդի փայերը կարող են տիրապետվել, կառավարվել և օգտագործվել միայն Օրենքով սահմանված նպատակների համար: Ֆոնդի փայերով հավաստվող իրավունքները չեն կարող փոխանցվել, եթե այլ բան նախատեսված չէ Օրենքով:

2.3. Կառավարության կողմից որոշված Ֆոնդի փայերի սկզբնական անվանական արժեքը սահմանվել է 1000(հազար) ՀՀ դրամ:

## 3. Ֆոնդի փայերի թողարկումը, բաժանորդագրությունը, մարումը և դրանց կասեցումը

3.1. Ֆոնդի մեկ փայի հաշվարկային արժեքը, որը սահմանվում է սույն Կանոնների 11-րդ մասով, Կառավարչի կողմից Ռեեստրավարին է ուղարկվում մինչև ՉԱԱ-ի հաշվարկման օրվա ժամը

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 7/34
		Կազմվել է՝ 10.12.2013
		Փոփոխվել է՝ 12.10.2017

15:00-ն (այսուհետ՝ Վերջնաժամկետ): Եթե նոր ԶԱԱ-ն Ռեեստրավարին չի փոխանցվում մինչև Վերջնաժամկետը, Ռեեստրավարը հիմք է ընդունում վերջին հասանելի ԶԱԱ-ն:

3.2. Ռեեստրավարը տիրապետում է Ֆոնդի համար ստացված օրական ընդհանուր գումարների մասին տեղեկատվությանը: Այդ ծավալը բաժանելով Ֆոնդի վերջին հասանելի բաժանորդագրության գնի/ԶԱԱ-ի վրա՝ Ռեեստրավարը ստանում է Ֆոնդի համար օրական թողարկվելիք Ֆոնդի փայերի քանակը: Ռեեստրավարը Ֆոնդի նոր փայերի թողարկման հետ մեկտեղ համապատասխան դրամական միջոցները փոխանցում է Ֆոնդի դրամային հաշվին: Եթե դրամական միջոցները ստացվում են ոչ թե Ֆոնդի փայերի թողարկման օրը, այլ հաջորդ օրը(օրերին), ապա նոր թողարկված Ֆոնդի փայերի գծով դեռևս չստացված դրամական միջոցների չափով ԶԱԱ-ի հաշվարկում ձևակերպվում է դեբիտորական պարտք:


3.3. Կառավարիչը հաշվարկում և հրապարակում է փայի հաշվարկային արժեքը բոլոր այն օրերի համար, որոնք հանդիսանում են աշխատանքային օրեր միաժամանակ և ՀՀ-ում և Ադմինիստրավորման գործակալի երկրում: Ֆոնդի փայերը կարող են թողարկվել և մարվել միայն ՀՀ-ում աշխատանքային օրերին: Ընդ որում, Ռեեստրավարի կողմից տվյալ աշխատանքային օրվա Երևանի ժամանակով մինչև ժամը 15:15-ը Ֆոնդի համար ստացված միջոցների հաշվին Ֆոնդի փայեր թողարկվում են՝ հիմք ընդունելով այդ աշխատանքային օրվա ընթացքում Կառավարչի կողմից հրապարակված Ֆոնդի փայի հաշվարկային արժեքը:

3.4. Ինչպես սահմանված է Օրենքով և Կենտրոնական բանկի կանոնակարգերով, Ֆոնդի փայերի մարում կարող է տեղի ունենալ միայն հետևյալ դեպքերում.

- 3.4.1. Թույլատրելի վաղաժամկետ մարում (Ֆոնդի փայերի մարման իրավունք մինչև կենսաթոշակային տարիքի լրանալը),
- 3.4.2. Միանվագ վճարի իրականացում,
- 3.4.3. Անուիտետի գնում,
- 3.4.4. Ծրագրային վճարների իրականացում,
- 3.4.5. Փայերի փոխանակում,
- 3.4.6. Կառավարչին պատկանող Ֆոնդի փայերի մարում,
- 3.4.7. Ֆոնդի դադարում,
- 3.4.8. Օրենքով սահմանված այլ դեպքեր:

3.5. Մասնակիցներից մարման դիմումներ ստանալուց հետո Ռեեստրավարը սառեցնում է դիմումներում նշված քանակով Ֆոնդի փայերը: Մարման գինը և մարվող ընդհանուր ծավալն ավտոմատ որոշվում է Ռեեստրավարի կողմից, երբ Մասնակիցներից ստացվում են մարման դիմումները: Մինչև ժամը 15:00-ն Ռեեստրավարը Կառավարչի մոտ տեղադրված ծրագրային համակարգում նրա համար հասանելի է դարձնում մարվելիք Ֆոնդի փայերի քանակի և մարվող ընդհանուր գումարի մասին տեղեկատվությունը: Կառավարիչը դրամական միջոցները Ռեեստրավարին է փոխանցում տվյալները հասանելի դառնալուց հետո 7- աշխատանքային օրվա ընթացքում:

3.6. Կառավարիչը փայերի փոխանակման գործարքների դեպքում կարող է կասեցնել Ֆոնդի փայերի թողարկումը կամ մարումը միայն հետևյալ դեպքերում:

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 8/34
		Կազմվել է՝ 10.12.2013
		Փոփոխվել է՝ 12.10.2017

3.6.1. Կարգավորվող շուկաների բնականոն գործունեության ձախողումներ, որոնք խոչընդոտում են Ֆոնդի ակտիվների մեծ մասի արժեքների ճշգրիտ որոշմանը կամ ակտիվների վաճառքին՝ Ֆոնդի փայերի մարումներն իրականացնելու համար: Այդ ձախողումների ոչ ամբողջական ցանկը ներառում է. Ֆոնդի ակտիվների գնանշումների դադարում, տեղեկատվական համակարգերի խափանումներ որոշակի կարգավորվող շուկաներում, որոշակի շուկայի տեղակայման երկրում տեղի ունեցած բնական աղետներ կամ այլ ֆորս-մաժորային իրավիճակներ և այլն:

3.6.2. Գործառնական և տեխնիկական խնդիրներ, որոնք խոչընդոտում են Կառավարչի կամ երրորդ անձի (օրինակ՝ բրոքերի) շուկայում առևտրային գործունեությանը և այդպիսով կարող են բացասաբար ազդել Ֆոնդի ակտիվների շուկայական արժեքների վրա: Այդ դեպքերի ոչ ամբողջական ցանկը ներառում է. կապի հետ խնդիրներ, ֆոնդերի կառավարման համար օգտագործվող համակարգերի խնդիրներ, բրոքերների և գործընկերների մոտ առաջացած տեխնիկական և այլ գործառնական զգալի խնդիրներ:

3.6.3. Ֆոնդի փայերի մարման դեպքում իրացվելիության խնդիրներ, որոնք խոչընդոտում են Ֆոնդի ակտիվների վաճառքին և կարող են առաջացնել հնարավոր կորուստներ Ֆոնդի մնացող մասնակիցների համար:

3.6.4. Ֆոնդի փայերի մարումները կարող են առաջացնել մեկ փայի հաշվով ՋԱԱ-ի զգալի և/կամ օրենսդրորեն սահմանված նվազագույն մակարդակից(երեք այդպիսիք առկա են) նվազում:

3.6.5. Այլ պատճառներ, որոնք անհնար են դարձնում Ֆոնդի ակտիվների կամ պարտավորությունների գնահատումը: Դրանց ոչ ամբողջական ցանկը ներառում է. բնական աղետներ և այլ ֆորս-մաժորային իրավիճակներ, Ֆոնդի ադմինիստրավորման գործակալի, Պահառուի հետ խնդիրներ և այլն:


Կասեցման դեպքում փոխանակման ենթակա փայերի հետգնումը (մարումը) կամ նոր ֆոնդերի փայերի թողարկումը կարող է կասեցվել ոչ ավելի, քան երեք ամիս ժամկետով՝ նախապես տեղեկացնելով Կենտրոնական բանկին, մասնակիցների ռեեստրը վարողին և պահառուին փայերի հետգնման (մարման) կամ նոր ֆոնդերի փայերի թողարկման կասեցման մասին՝ նշելով դրա հիմքերը, ինչպես նաև այդ մասին տեղեկատվությունը երեք օրվա ընթացքում հրապարակելով մասնակիցների ռեեստրը վարողի և կառավարչի պաշտոնական ինտերնետային կայքում:

**4. Մասնակիցների իրավունքներն ու պարտականությունները**

4.1. Մասնակիցն իրավունք ունի Ռեեստրավարից ստանալ իր կենսաթոշակային հաշվում արտացոլված նախորդ օրացուցային տարվա տվյալների մասին տեղեկատվություն ոչ ուշ, քան մինչև ապրիլի 15-ը, եթե այլ բան նախատեսված չէ Օրենքով:

4.2. Մասնակիցը կուտակային կենսաթոշակ ստանալու իրավունք է ձեռք բերում, եթե.

4.2.1. Լրացել է Մասնակցի կենսաթոշակային տարիքը,

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 9/34
		Կազմվել է՝ 10.12.2013
		Փոփոխվել է՝ 12.10.2017

4.2.2. Լրացել է մասնակցի 55 տարին, և նրա կենսաթոշակային հաշվում առկա կենսաթոշակային ֆոնդի փայերի ընդհանուր հաշվարկային արժեքը բավարարում է սույն Կանոնների 4.4.3 կետով սահմանված պայմանը,

4.3. Կուտակային կենսաթոշակների տիպերն են.

- 4.3.1. Անուիտետներ,
- 4.3.2. Ծրագրային վճարներ,
- 4.3.3. Միանվագ վճարներ:

4.4. Կախված Մասնակցի կենսաթոշակային հաշվում առկա Ֆոնդի փայերի ընդհանուր հաշվարկային արժեքից՝ Մասնակիցն իր կուտակային կենսաթոշակը կարող է ստանալ հետևյալ ձևերով.

4.4.1. Եթե մասնակցի միջոցները Օրենքի համաձայն հավասարաչափ ամսական վճարների վերաձելու դեպքում ամսական գումարը փոքր է հիմնական կենսաթոշակի 75 տոկոսից կամ հավասար է դրան, ապա Մասնակիցն իրավունք ունի կուտակային կենսաթոշակը ստանալու անուիտետի կամ ծրագրային վճարների կամ միանվագ վճարի ձևով,


4.4.2. Եթե Մասնակցի միջոցները հավասարաչափ ամսական վճարների վերաձելու դեպքում ամսական գումարը մեծ է հիմնական կենսաթոշակի 75 տոկոսից, բայց փոքր այդ կենսաթոշակի հնգապատիկից կամ հավասար է այդ կենսաթոշակի հնգապատիկին, ապա Մասնակիցը պարտավոր է Ֆոնդի փայերի մարման արդյունքում ստացված գումարի չափով Օրենքով սահմանված կարգով կնքել անուիտետի պայմանագիր,

4.4.3. Եթե Մասնակցի միջոցները, Օրենքի համաձայն հավասարաչափ ամսական վճարների վերաձելու դեպքում ամսական գումարը գերազանցում է հիմնական կենսաթոշակի հնգապատիկը, ապա Մասնակիցը պարտավոր է իր պարտադիր կենսաթոշակային ֆոնդի փայերի մի մասի մարման արդյունքում ստացված միջոցների հաշվին կնքել Անուիտետի պայմանագիր այն գումարի չափով, որը հավասարաչափ ամսական վճարների վերաձելու դեպքում ամսական գումարը կկազմի հիմնական կենսաթոշակի հնգապատիկը, իսկ մնացած մասը Մասնակիցն իրավունք ունի ստանալու Անուիտետի կամ Ծրագրային վճարների կամ Միանվագ վճարի ձևով:

4.5. Անուիտետ ստանալու իրավունքը ծագում է անկախ Մասնակցի՝ այլ աղբյուրներից անուիտետ, պետական կենսաթոշակ կամ նպաստ ստանալու հանգամանքից:

4.6. Մասնակիցն իրավունք ունի ցանկացած ժամանակ, ներառյալ՝ նախքան կենսաթոշակային տարիքը լրանալը, ներկայացնելու իր կենսաթոշակային հաշվում առկա (այդ թվում՝ Մասնակցի կողմից նախկինում ներկայացված դիմումի հիման վրա ծրագրային վճարի տեսքով վճարվող կենսաթոշակը) միջոցները (անկախ դրանց չափից) ամբողջությամբ ստանալու պահանջ, եթե առկա է հետևյալ պայմաններից որևէ մեկը.

4.6.1. Մասնակիցն օրենսդրությամբ սահմանված կարգով ճանաչվել է աշխատանքային գործունեությամբ զբաղվելու կարողության երրորդ աստիճանի սահմանափակում ունեցող հաշմանդամ,

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 10/34
		Կազմվել է՝ 10.12.2013
		Փոփոխվել է՝ 12.10.2017

4.6.2. Կառավարության սահմանած ցանկում ներառված հիվանդություններով հիվանդանալու (վիճակներում գտնվելու) դեպքում՝ առողջապահության բնագավառում Կառավարության լիազոր մարմնի տված եզրակացության հիման վրա,

4.6.3. ՀՀ-ում աշխատող օտարերկրացի Մասնակիցը վերադառնում է իր մշտական բնակության երկիր:

4.7. Ֆոնդի փայլ Մասնակցի կողմից չի կարող.

4.7.1. Գրավադրվել,

4.7.2. Ներդրվել իրավաբանական անձի կանոնադրական կապիտալում,

4.7.3. Նվիրաբերվել կամ օտարվել որեւէ այլ եղանակով, բացառությամբ Օրենքով նախատեսված դեպքերի,

4.7.4. Օգտագործվել որեւէ այլ եղանակով, քան սահմանված է Օրենքով:

4.8. Մասնակցի պարտավորությունների համար Մասնակցին պատկանող Ֆոնդի փայերի վրա բռնագանձում չի կարող տարածվել մինչեւ նրա կուտակային կենսաթոշակ ստանալու իրավունք ձեռք բերելը:

4.9. Մասնակիցն իրավունք ունի անվճար փոխելու նախկինում ընտրված պարտադիր կենսաթոշակային ֆոնդը՝ իր կենսաթոշակային հաշվում ունեցած փայերը և ապագա կենսաթոշակային հատկացումները Կառավարչի կամ այլ պարտադիր կենսաթոշակային ֆոնդի կառավարչի կողմից կառավարվող ֆոնդ ուղղելու համար, եթե այլ բան սահմանված չէ Օրենքով:

4.10. Մասնակիցն իրավունք ունի տարին մեկ անգամ անվճար, ոչ ուշ, քան մինչև ապրիլի 15-ը Ռեեստրավարից ստանալ իր կենսաթոշակային հաշվում արտացոլված նախորդ օրացուցային տարվա տվյալների մասին տեղեկատվություն, եթե այլ բան նախատեսված չէ օրենքով:

## **5. Կառավարչի իրավունքներն ու պարտականությունները**

5.1. Կառավարիչն իրավունք ունի.

5.1.1. Կառավարել Ֆոնդի ակտիվներն իր մասնագիտական դատողությամբ և զգուշավորությամբ,


5.1.2. Ստանալ Կառավարչի պարգևավճար սույն Կանոնների համաձայն,

5.1.3. Պատվիրակել իր գործառույթների մի մասը երրորդ անձանց, բացառությամբ այն գործառույթների, որոնց պատվիրակումը չի թույլատրվում սույն Կանոններով կամ օրենսդրությամբ,

5.1.4. Օրենսդրությամբ սահմանված դեպքերում և կարգով փոխել Պահառուին,

5.1.5. Իրացնել օրենսդրությամբ սահմանված այլ իրավունքներ:

5.2. Ֆոնդի անունից հանդես գալիս Կառավարիչը և նրա աշխատակիցները պետք է գործեն Մասնակիցների լավագույն շահերից ելնելով, իրենց իրավունքներն ու պարտականություններն իրականացնեն Մասնակիցների նկատմամբ բարեխղճորեն, ողջամտորեն և պատշաճ մասնագիտական մակարդակով, միևնույն ժամանակ առանց երաշխավորելու որոշակի արդյունքի, եկամտաբերության կամ եկամտի ստացումը:

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 11/34
		Կազմվել է՝ 10.12.2013
		Փոփոխվել է՝ 12.10.2017

5.3. Կառավարիչը պարտավոր է.

5.3.1. Ներդնել ներքին հսկողության համապատասխան համակարգ,

5.3.2. Պահպանել Ֆոնդում սեփական ներդրումների նվազագույն ծավալը (օրենսդրության պահանջների համաձայն),

5.3.3. Արդյունավետ կազմակերպական և կառավարչական միջոցներ ձեռնարկել՝ ներդրումային առաջարկությունների կազմման և իրականացման գործընթացում շահերի բախման կանխարգելման նպատակով,

5.3.4. Մասնակիցներից ստացված միջոցները ներդնել սույն Կանոնների համաձայն,

5.3.5. Հետևել օրենսդրության պահանջներին:

## **6. Ներդրումային քաղաքականություն և դրա հետ կապված ռիսկեր**

### ***Ա. Ներդրումային նպատակը, խթանները և խոչընդոտները***

6.1. Կառավարչի հիմնական ներդրումային նպատակն է փորձել առավելագույնի հասցնել ակտիվների ընդհանուր եկամտաբերությունը՝ հիմնվելով լավագույն ջանքերի գործադրման սկզբունքի վրա:


6.2. Ակնկալվում է, որ Մասնակիցների կողմից Ֆոնդի փայերի մարման հետևանքով Ֆոնդից դրամական միջոցների արտահոսքը կարող է գերազանցել Մասնակիցների կողմից Ֆոնդի փայերի ձեռքբերմամբ պայմանավորված Ֆոնդին կատարվող նոր կուտակային հատկացումների մեծությունը ոչ շուտ, քան Ֆոնդի հիմնադրումից 20 տարի անց: Այս իրավիճակը կարող է փոփոխվել կախված՝ ընթացիկ սոցիալ-տնտեսական միջավայրից, օրենսդրության փոփոխություններից և այլ պայմաններից : Ֆոնդի երկար ժամանակային հորիզոնը և վաղաժամկետ մարումների ցածր հավանականությունը նպաստում են ցածր իրացվելիության ռիսկի::

6.3. Ֆոնդի հիմնադրման պահին ժամանակային հորիզոնը երկարաժամկետ է:

### ***Բ. Պորտֆելի կառավարման քաղաքականություն և ռազմավարություն***

6.4. Ֆոնդը ներդրումներ է իրականացնում կայուն եկամտային և բաժնային գործիքներում կամ այնպիսի գործիքներում, որոնք իրենց հիմքում ունեն այդ տիպի գործիքներ: ՀՀ-ում դրամով ներդրումներ կարող են իրականացվել պետական և կորպորատիվ պարտատոմսերում, բանկային ավանդներում, ինչպես նաև այլ թույլատրելի գործիքներում: Ֆոնդի ակտիվները կարող են ներդրվել արտարժույթով գնանշվող դրամային շուկայի գործիքներում, պետական և կորպորատիվ պարտատոմսերում, բաժնային արժեթղթերում, ինչպես նաև ներդրումային ֆոնդերում, որոնք ներդրումներ են իրականացնում միայն վերոհիշյալ գործիքներում:

### ***Գ. Ներդրումների հետ կապված հիմնական ռիսկերը***

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 12/34
		Կազմվել է՝ 10.12.2013
		Փոփոխվել է՝ 12.10.2017

6.5. Ակտիվները կայուն եկամտային գործիքներում և բաժնային արժեթղթերում տեղաբաշխելիս՝ Ֆոնդը կարող է բախվել հետևյալ ոչ ամբողջական ցանկում ներառված ռիսկերին.

6.5.1. Տոկոսադրույքի ռիսկ, որը կապված է շուկայական գնի ռիսկի և արժեկտրոնի վերաներդրման ռիսկի հետ: Շուկայական գնի ռիսկը ի հայտ է գալիս, երբ պարտատոմսերի գները նվազում են տոկոսադրույքների բարձրացման հետևանքով: Արժեկտրոնի վերաներդրման ռիսկն ի հայտ է գալիս, երբ տոկոսադրույքների անկման դեպքում ստացված արժեկտրոնային եկամուտը վերաներդրվում է ավելի ցածր տոկոսադրույքով: Երկարաժամկետ և առավել ցածր արժեկտրոնային եկամտաբերություն ունեցող պարտատոմսերն առավել հակված են տոկոսադրույքի ռիսկի:

6.5.2. Վարկային կամ դեֆոլտի ռիսկ, որը ի հայտ է գալիս, երբ պարտատոմս թողարկողը ժամանակին չի վճարում պարտատոմսերի գծով տոկոսագումարները և մայր գումարը, կամ երբ այդ վճարումները կատարելու թողարկողի կարողության հանդեպ բացասական ակնկալիքը հանգեցնում է այդ պարտատոմսի գնի անկման՝ նվազեցնելով Ֆոնդի եկամուտը:

6.5.3. Իրացվելիության ռիսկ՝ ռիսկն այն բանի, որ շուկայական գործարքների սակավության պատճառով արժեթղթերի առքը կամ վաճառքը չի կարող իրականացվել բավականին արագ՝ հնարավոր կորուստներից խուսափելու կամ դրանք նվազեցնելու համար:


6.5.4. Վաղաժամկետ մարման ռիսկ, երբ տոկոսադրույքների նվազման ժամանակահատվածում վաղաժամկետ մարման իրավունքով պարտատոմսերի թողարկողները կարող են վաղաժամկետ մարել բարձր արժեկտրոնային տոկոսադրույքով կամ եկամտաբերությամբ արժեթղթերը մինչև դրանց մարման ժամկետի լրանալը, որի հետևանքով Ֆոնդը կարող է կորցնել պարտատոմսի վաղաժամկետ մարման գինը գերազանցող արժեքի հավելածը և ստիպված լինել վաղաժամկետ մարման արդյունքում ի հայտ եկած դրամական հոսքերը վերաներդնել ավելի ցածր տոկոսադրույքով, ինչը կարող է հանգեցնել Ֆոնդի եկամուտների նվազման:

6.5.5. Գնաճի ռիսկ, ռիսկն այն բանի, որ ստացվող դրամական հոսքերի արժեքը գնողունակության տեսանկյունից կարող է նվազել:

6.5.6. Բաժնային արժեթղթերի ռիսկ, որը ի հայտ է գալիս, երբ բաժնետոմսերի գներից կախյալ գործիքները և Ֆոնդի ակտիվների կազմում ներառված արժեթղթերը առաջացնում են կապիտալի կորուստ:

6.5.7. Շուկայական ռիսկ, որը կարող է ի հայտ գալ, երբ շուկայի կարճաժամկետ տատանումների և երկարաժամկետ անկումների դեպքում Ֆոնդը կարող է վնասներ կրել:

6.5.8. Երկրի/տարածաշրջանային ռիսկ, ռիսկն այն բանի, որ համաշխարհային, տարածաշրջանային և/կամ կոնկրետ որևէ երկրին առանձնահատուկ իրադարձությունները, ինչպիսիք են՝ քաղաքական բախումները, ֆինանսական անկայունությունները, բնական աղետները և այդպիսի այլ իրադարձությունները, որոնք հնարավոր չէ կանխատեսել և կանխարգելել, բացասաբար կարող են ազդել օտարերկրյա պետությունների կառավարությունների, կառավարական գործակալությունների, ընկերությունների կողմից

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 13/34
		Կազմվել է՝ 10.12.2013
		Փոփոխվել է՝ 12.10.2017

թողարկված արժեթղթերի արժեքի վրա: Երկրի/տարածաշրջանային ռիսկերը կարող են բացասաբար անդրադառնալ Ֆոնդի գործունեության արդյունքների վրա:

6.5.9. Արտարժույթային ռիսկ, որը ի հայտ է գալիս, երբ Ֆոնդի ԶԱԱ-ն կարող է նվազել, եթե արտասահմանյան արժույթով գնանշվող գործիքի արժույթը արժեզրկվում է ՀՀ դրամի նկատմամբ:

6.5.10. Արտարժույթի հեջավորման ռիսկ, որը ի հայտ է գալիս, երբ Ֆոնդի կողմից կնքված արտարժույթի հեջավորման գործարքները ամբողջովին չեն ծածկի Ֆոնդի արտարժույթային ռիսկերը:

6.5.11. Գործընկերոջ ռիսկ, որը ի հայտ է գալիս, երբ Ֆոնդի որևէ կոնկրետ գործարքի գծով գործընկերը ի վիճակի չի լինի կամ չի ցանկանա կատարել իր ֆինանսական պարտավորությունները:

## **7. Թույլատրելի գործիքներ, սահմանափակումներ**

6.6. Թույլատրելի օտարերկրյա ֆինանսական գործիքներ.

6.6.1. Բանկային հաշիվներ և ավանդներ Տնտեսական համագործակցության և զարգացման կազմակերպության (այսուհետ՝ՏՀԶԿ) կամ Եվրոպական միության (այսուհետ՝ԵՄ) անդամ պետությունների բանկային համակարգը վերահսկող լիազորված մարմնի կողմից արտոնագրված և վերահսկվող ֆինանսական կազմակերպություններում,

6.6.2. ՏՀԶԿ կամ ԵՄ անդամ պետությունների պետական պարտատոմսեր, գանձապետական արժեթղթեր և ՏՀԶԿ կամ ԵՄ անդամ պետությունների կենտրոնական բանկերի թողարկված արժեթղթեր, ՏՀԶԿ կամ ԵՄ անդամ պետությունների կողմից կամ վերջիններիս կենտրոնական բանկերի կողմից ամբողջությամբ երաշխավորված արժեթղթեր, ինչպես նաև վերագրային ընկերությունների կողմից թողարկված արժեթղթեր,


6.6.3. ՏՀԶԿ կամ ԵՄ անդամ պետությունների կապիտալի շուկան վերահսկող լիազորված մարմնի կողմից գրանցված և վերահսկվող կարգավորվող շուկաներում առևտրին թույլատրված արժեթղթեր,

6.6.4. ՏՀԶԿ կամ ԵՄ անդամ պետությունների կապիտալի շուկան վերահսկող լիազորված մարմնի կողմից գրանցված և վերահսկվող ներդրումային ֆոնդերի փայեր (բաժնետոմսեր),

6.6.5. Ածանցյալ ֆինանսական գործիքներ՝ միայն հեջավորման նպատակով:

6.7. ՀՀ-ում թողարկված թույլատրելի գործիքներ.

6.7.1. Բանկային հաշիվներ և ավանդներ, եթե տվյալ բանկը չի գտնվում անվճարունակության (սնանկության) գործընթացում կամ չի գտնվում պատժամիջոցների տակ: Պատժամիջոցների տակ գտնվող բանկում ներդրումներ կատարելու հնարավորությունը որոշվում է Կառավարչի կողմից: Ֆոնդի ակտիվները կարող են ներդրվել Ֆոնդի պահառուի, նրանց ղեկավարների, Ֆոնդի մասնակիցների ռեեստրավարի և անկախ աուդիտի իրականացնող անձի, ինչպես նաև նրանց և Ֆոնդի Կառավարչի հետ փոխկապակցված անձանց կողմից առաջարկվող ժամկետային ավանդներում

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ <b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 14/34
		Կազմվել է՝ 10.12.2013
		Փոփոխվել է՝ 12.10.2017

Կենտրոնական բանկի նախնական համաձայնությամբ (յուրաքանչյուր ներդրման դեպքի համար):

6.7.2. ՀՀ կամ Կենտրոնական բանկի թողարկած կամ ամբողջությամբ երաշխավորված արժեթղթեր,

6.7.3. ՀՀ-ում գործող ֆոնդային բորսայում առևտրին թույլատրված արժեթղթեր, ինչպես նաև նոր թողարկված արժեթղթեր, որոնց թողարկման և (կամ) առաջարկի պայմանների համաձայն՝ դրանք պետք է թույլատրվեն 6.6 և 6.7 կետերով նախատեսված ՀՀ-ում գործող կամ որևէ այլ կարգավորվող շուկայում առևտրին դրանց թողարկմանը հաջորդող 12 ամսվա ընթացքում:

6.7.4. Այն ներդրումային ֆոնդերի թողարկած արժեթղթեր, որոնք վերահսկվում են Կենտրոնական բանկի կողմից,

6.7.5. Ածանցյալ ֆինանսական գործիքներ՝ միայն հեջավորման նպատակով:

6.8. Սահմանափակումներ և դիրքերի սահմանաչափեր


6.8.1. Բաժնային արժեթղթերի և դրանց հեջավորման նպատակով ձեռք բերված ածանցյալ գործիքների կշիռը Ֆոնդի ակտիվներում չի կարող գերազանցել 50 տոկոսը:

6.8.2. Արտասահմանյան արժույթով ընդհանուր ներդրումների առավելագույն չափը չի կարող գերազանցել Ֆոնդի ընդհանուր ակտիվների 40 տոկոսը:

6.8.3. Ոչ փոխարկելի արտասահմանյան արժույթով կատարվող ներդրումների առավելագույն չափը չի կարող գերազանցել Ֆոնդի ընդհանուր ակտիվների 3 տոկոսը:

6.8.4. Բանկային հաշիվներում և ավանդներում, այդ թվում՝ բանկում միջոցների ավանդագրումը հավաստող արժեթղթերում կատարվող ներդրումների ընդհանուր ծավալը չի կարող գերազանցել Ֆոնդի ակտիվների 40 տոկոսը: Միևնույն ժամանակ մեկ բանկում, ինչպես նաև «Բանկերի եւ բանկային գործունեության մասին» ՀՀ օրենքի համաձայն՝ փոխկապակցված ճանաչված բանկերում կատարվող ներդրումները չեն կարող գերազանցել Ֆոնդի ակտիվների 10 տոկոսը: Վերը նշված սահմանաչափերը չեն տարածվում Ֆոնդի պահառուական հաշիվների վրա: Ընդ որում, Ֆոնդի ակտիվները որպես ավանդ կարող են ներդրվել միայն այնպիսի օտարերկրյա բանկում, որն ունի առնվազն Ստանդարտ և Փուրզի «ԲԲԲ» խմբի՝ «ԲԲԲ», Մուդիզի «Բաա» խմբի՝ «Բաա3» կամ Ֆիթչի «ԲԲԲ» խմբի՝ «ԲԲԲ» վարկանիշ:

6.8.5. Հայաստանի Հանրապետության, Հայաստանի Հանրապետության համայնքների, Հայաստանի Հանրապետության և Կենտրոնական բանկի կողմից թողարկված կամ ամբողջությամբ երաշխավորված արժեթղթերում կատարվող ներդրումների ընդհանուր ծավալը չի կարող գերազանցել Ֆոնդի ակտիվների 50 տոկոսը, ընդ որում, մեկ թողարկումում (տրանշում) ներդրումների արժեքը չի կարող գերազանցել Ֆոնդի ակտիվների 20 տոկոսը: Այս սահմանափակումը չի տարածվում միայն կենսաթոշակային ֆոնդերի համար թողարկված արժեթղթերում կատարվող ներդրումների վրա, որի դեպքում մեկ թողարկումում (տրանշում) ներդրումների արժեքը չի կարող գերազանցել Ֆոնդի ակտիվների 50 տոկոսը:

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ <b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 15/34
		Կազմվել է՝ 10.12.2013
		Փոփոխվել է՝ 12.10.2017

6.8.6. Արտասահմանյան պետության կամ այդ պետության կենտրոնական բանկի կողմից թողարկված կամ ամբողջությամբ երաշխավորված արժեթղթերում կատարվող ներդրումների ընդհանուր ծավալը չի կարող գերազանցել Ֆոնդի ակտիվների 40 տոկոսը, ընդ որում, մեկ թողարկումում (տրանշում) ներդրումների արժեքը չի կարող գերազանցել Ֆոնդի ակտիվների 20 տոկոսը:

6.8.7. 6.8.5 և 6.8.6 կետերով նախատեսված արժեթղթերում ներդրումների ընդհանուր ծավալը չի կարող գերազանցել Ֆոնդի ակտիվների 80 տոկոսը:

6.8.8. Ակտիվների արժեթղթավորման և ակտիվներով ապահովված արժեթղթերի մասին» ՀՀ օրենքի համաձայն՝ արժեթղթավորման հիմնադրամների թողարկված արժեթղթերում ներդրումների ընդհանուր ծավալը չի կարող գերազանցել Ֆոնդի ակտիվների 5 տոկոսը:

6.8.9. Արժեթղթավորման հիմնադրամներից տարբերվող մեկ թողարկողի թողարկված արժեթղթերում ներդրումներ կարող են կատարվել Ֆոնդի ակտիվների մինչև 25 տոկոսի չափով, եթե դրանք ապահովված պարտատոմսեր են: Ապահովված պարտատոմսեր են համարվում.

6.8.9.1. Բանկերի կամ վարկային կազմակերպությունների կողմից «Ապահովված հիփոթեքային պարտատոմսերի մասին» ՀՀ օրենքի համաձայն թողարկված ապահովված հիփոթեքային պարտատոմսերը,

6.8.9.2. Օտարերկրյա բանկերի թողարկված պարտքային արժեթղթերը, որոնց տեղաբաշխումից ստացված միջոցները ներդրվում են այնպիսի ակտիվներում, որոնք.

ա. Այդ պարտքային արժեթղթերի վավերականության ամբողջ ժամանակահատվածի համար բավարար ապահովություն (ծածկույթ) են դրանց գծով ամրագրված պարտավորությունների կատարման համար, և

բ. Թողարկող բանկի անվճարունակության կամ սնանկության դեպքում առաջնահերթորեն օգտագործվում են այդ պարտքային արժեթղթերի գծով դրանց սեփականատերերի հանդեպ պարտավորությունների կատարման (արժեթղթի մայր գումարի (անվանական արժեքի) և հաշվեգրված տոկոսների փոխհատուցման) համար:

6.8.10. Ֆոնդի ակտիվները չեն կարող ներդրվել.


6.8.10.1. Մեկ թողարկողի ձայնի իրավունք տվող բաժնային արժեթղթերի 10 և ավելի տոկոսում,

6.8.10.2. Մեկ թողարկողի ձայնի իրավունք չտվող բաժնային արժեթղթերի ավելի քան 10 տոկոսում,

6.8.10.3. Մեկ կորպորատիվ թողարկողի պարտքային արժեթղթերի ավելի քան 40 տոկոսում,

6.8.10.4. Այլ ֆոնդի փայերի կամ բաժնետոմսերի ավելի քան 25 տոկոսում:

6.8.11. Ներդրումային ֆոնդերի թողարկված արժեթղթերում կատարվող ներդրումները չպետք է գերազանցեն տվյալ Ֆոնդի ակտիվների 50 տոկոսը: Ընդ որում, ներդրումային ֆոնդերի թողարկված արժեթղթերում կատարվող ներդրումները չեն կարող գերազանցել Ֆոնդի ակտիվների 10 տոկոսը, եթե դրանք.

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> <b>ՓԲԸ</b> <b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 16/34
		Կազմվել է՝ 10.12.2013
		Փոփոխվել է՝ 12.10.2017

6.8.11.1. ՀՀ-ում գրանցված ֆոնդերի դեպքում բաց, հրապարակային, ստանդարտ, տարատեսականացված ներդրումային ֆոնդեր չեն,

6.8.11.2. Արտասահմանյան պետությունում գրանցված ֆոնդերի դեպքում բաց և հրապարակային ներդրումային ֆոնդեր չեն, որոնց կանոնների (կանոնադրության) համաձայն ներդրումային ֆոնդի ակտիվների առնվազն 90 տոկոսը պետք է ներդրվի միայն բանկային ավանդներում, պետական պարտատոմսերում, կարգավորվող շուկայում առևտրին թույլատրված կամ թույլատրվող արժեթղթերում կամ «Ներդրումային ֆոնդերի մասին» ՀՀ օրենքով սահմանված այլ իրացվելի ակտիվներում:

6.8.12. Մինչույն կառավարչի կողմից կառավարվող ներդրումային ֆոնդերում կամ «Արժեթղթերի շուկայի մասին» ՀՀ օրենքի 3-րդ հոդվածի 36-րդ մասի համաձայն՝ փոխկապակցված համարվող կառավարիչների ներդրումային ֆոնդերում կատարվող ներդրումները չեն կարող գերազանցել Ֆոնդի ակտիվների 25 տոկոսը:


6.8.13. Մեկ թողարկողի արժեթղթերում ներդրումների առավելագույն չափը չի կարող գերազանցել Ֆոնդի ակտիվների ընդհանուր արժեքի 10 տոկոսը, իսկ փոխկապակցված թողարկողների արժեթղթերում ներդրումների առավելագույն չափը չի կարող գերազանցել Ֆոնդի ակտիվների 15 տոկոսը, եթե այլ բան նախատեսված չէ սույն Կանոններով:

6.8.14. Ֆոնդի ակտիվներում ընդգրկված մեկ անձի թողարկած արժեթղթերի (բացառությամբ ապահովված պարտատոմսերի), տվյալ անձի մոտ ներդրված բանկային ավանդների և տվյալ անձի հետ կնքված ածանցյալ գործիքների հետ կապված ռիսկի ընդհանուր արժեքը չպետք է գերազանցի Ֆոնդի ակտիվների ընդհանուր արժեքի 20 տոկոսը:

6.8.15. Ֆոնդի ակտիվներում ընդգրկված մեկ անձի թողարկած արժեթղթերի (այդ թվում՝ ապահովված պարտատոմսերի), տվյալ անձի մոտ ներդրված բանկային ավանդների և տվյալ անձի հետ կնքված ածանցյալ գործիքների հետ կապված ռիսկի ընդհանուր արժեքը չպետք է գերազանցի տվյալ ֆոնդի ակտիվների ընդհանուր արժեքի 30 տոկոսը:

6.8.16. Ածանցյալ ֆինանսական գործիքներում ներդրումներն իրականացվում են միայն հեջավորման նպատակով, երբ Ֆոնդը ներառում է այդ ածանցյալի հիմքում առկա հիմնական արժեթուղթը, կամ Ֆոնդին բնորոշ է հեջավորվող ռիսկը: Մեկ անձի հետ ածանցյալ գործիքով կնքված գործարքի չափը չի կարող գերազանցել Ֆոնդի ակտիվների արժեքի 10 տոկոսը, եթե գործարքի կողմը բանկ է, և չի կարող գերազանցել 5 տոկոսը, եթե գործարքի կողմն այլ ֆինանսական կազմակերպություն է:

6.8.17. Մեկ արտասահմանյան պետությունում կատարվող ներդրումները չեն կարող գերազանցել տվյալ պարտադիր կենսաթոշակային ֆոնդի ակտիվների 15 տոկոսը, բացառությամբ այն դեպքերի, երբ Ֆոնդի ակտիվներում ընդգրկված ներդրումային գործիքների դեպքում հնարավոր չէ հստակ որոշել որևէ կոնկրետ պետության մասնակցության աստիճանը: Կարգավորվող շուկայում գնանշվող ներդրումային ֆոնդում (exchange traded fund) և չգնանշվող

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 17/34
		Կազմվել է՝ 10.12.2013
		Փոփոխվել է՝ 12.10.2017

ներդրումային ֆոնդում ներդրումներ կատարելու դեպքում, եթե տվյալ ֆոնդի ներդրումային քաղաքականությունը (կանոնները) նշում է, որ այդ ֆոնդը ներդրումներ է իրականացնում միայն մեկ երկրում, ապա այս սահմանափակումը հաշվարկվում է այդ երկրի համար: Եթե ներդրումային քաղաքականությունը (կանոնները) նշում է, որ այդ ֆոնդը ներդրումներ է իրականացնում մի շարք երկրներում և հնարավոր է պարզել յուրաքանչյուր երկրում ներդրումների ճշգրիտ կշիռը, ապա այս սահմանափակման հաշվարկի մեջ ընդգրկվում է տվյալ ֆոնդի գրանցման երկիրը: Եթե վերոնշյալ պայմաններից որևէ մեկը առկա չէ, ապա սահմանափակումը չի հաշվարկվում այդպիսի ֆոնդերում ներդրումների համար:

6.8.18. Ֆոնդի ակտիվները չեն կարող ձևավորվել փոխառու միջոցների հաշվին, բացառությամբ եթե փոխառությունները ներգրավվել են մինչև 3 ամիս մարման ժամկետով, և Ֆոնդի ակտիվների մինչև 10 տոկոսի չափով:

6.8.19. Ֆոնդի ակտիվների ֆինանսական գործիքներում ներդրման քանակային և արժույթային սահմանափակումների հաշվարկման համար հիմք է ընդունվում Ֆոնդի ակտիվների ընդհանուր շուկայական արժեքը:

6.8.20. Վերոնշյալ քանակային և արժույթային սահմանափակումները տարածվում են Ֆոնդի վրա եթե Ֆոնդի ԶԱԱ-ն գերազանցում է երկու միլիարդ ՀՀ դրամը:

6.8.21. Ֆոնդի ակտիվները չեն կարող ներդրվել.

6.8.21.1. Կառավարչի և Պահառուի, ինչպես նաև դրանց հետ փոխկապակցված անձանց թողարկած արժեթղթերում: Սույն կետը չի տարածվում Կառավարչի (կամ դրա հետ փոխկապակցված անձի) կողմից կառավարվող այլ ֆոնդի փայերում (բաժնետոմսերում) ներդնելու դեպքի վրա, եթե առկա են հետևյալ բոլոր պայմանները.

ա. Ֆոնդի ներդրումային քաղաքականությունը չի հակասում Ֆոնդի ներդրումային նպատակներին,

բ. Չեն գանձվում փայերի (բաժնետոմսերի) մարման և բաժանորդագրման վճարներ,

գ. Կառավարչի կողմից կառավարվող ֆոնդի ակտիվներն իր կողմից կառավարվող մեկ այլ ֆոնդում ներդնելու դեպքում՝ նույն ակտիվները տարբեր ֆոնդերում ներդնելիս դրանցից չեն գանձվում կրկնակի պարգևավճարներ:


6.8.21.2. Կառավարչի կամ Պահառուի աուդիտն իրականացնող անձի թողարկած արժեթղթերում,

6.8.21.3. Կառավարչին կամ պահառուին խորհրդատվական ծառայություններ մատուցող անձանց թողարկած արժեթղթերում,

6.8.21.4. Ածանցյալ գործիքներում, բացառությամբ հեջավորման նպատակով ներդրումների,

6.8.21.5. Այն ակտիվներում, որոնց օտարումն արգելված կամ սահմանափակված է,

6.8.21.6. Անշարժ գույքում (ուղղակի կատարվող ներդրումներ) կամ այլ ֆիզիկական ակտիվներում (արվեստի գործեր, հուշադրամներ, սրբապատկերներ, հնաոճ ապրանքներ, թանկարժեք մեքենաներ և այլն):

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 18/34
		Կազմվել է՝ 10.12.2013
		Փոփոխվել է՝ 12.10.2017

6.8.22. Ֆոնդի ակտիվներում ներառված արժեթղթերը չեն կարող կարգավորվող շուկայից դուրս վաճառվել կամ ցանկացած այլ ձևով օտարվել.

6.8.22.1. Պահառուին,

6.8.22.2. Կառավարչին,

6.8.22.3. Վերոնշյալ անձանց կառավարման մարմնի անդամներին,

6.8.22.4. Վերոնշյալ անձանց նշված անձանց հետ փոխկապակցված անձանց:

6.8.23. Կառավարիչը և պահառուն չեն կարող մեկը մյուսին տրամադրել փոխառություններ կամ երաշխավորել պարտավորությունների կատարումը:

6.8.24. Կառավարիչը պարտավոր է ձեռնարկել քայլեր՝ համապատասխանեցնելու Ֆոնդի ներդրումները Օրենքի պահանջներին, և ապահովել հնարավոր առավելագույն շահութաբերություն, պահել ու խնայել Ֆոնդերի ակտիվները, եթե վերոնշյալ քանակային և արժույթային սահմանափակումները խախտվել են որպես հետևանք.

6.8.24.1. Շուկայական գների փոփոխության, որոնք հիմք են հանդիսացել ակտիվների գնահատման համար,

6.8.24.2. Արտարժույթի փոխարժեքի փոփոխության,

6.8.24.3. Կազմակերպությունների միջև տնտեսական և կազմակերպական հարաբերությունների փոփոխության, որոնց բաժնետոմսերում ներդրվել են Ֆոնդի ակտիվները,

6.8.24.4. Կառավարչի կամքից անկախ և հսկողությունից դուրս այլ հանգամանքների:


6.8.25. Վերոնշյալ սահմանափակումների նկատմամբ ներդրումների համապատասխանությունը պետք է ավարտվի ոչ ուշ, քան 6 ամսվա ընթացքում, սկսած այն օրվանից, երբ հայտնի է դարձել խախտման մասին:

6.8.26. Կառավարիչը պարտավոր է իրականացնել ֆոնդի ակտիվներում ներառված արժեթղթերով ամրագրված իրավունքները՝ ելնելով բացառապես մասնակիցների շահերից:

## **7. Ածանցյալ ֆինանսական գործիքներ. կիրառման շրջանակը և ռիսկերը**

7.1. Կառավարիչը Ֆոնդի անունից կարող է ներդրումներ կատարել ածանցյալ ֆինանսական գործիքներում: Մասնավորապես, ածանցյալներում կատարվող ուղղակի ներդրումները պետք է թույլ տան Կառավարչին հեջավորել Ֆոնդի ներդրումները: Կառավարիչը կարող է ներդրումներ կատարել ածանցյալ ֆինանսական գործիքներում միայն այն դեպքում, երբ ածանցյալ ֆինանսական գործիքներից սպասվող ռիսկերը և օգուտները համապատասխանում են Ֆոնդի ներդրումային նպատակներին, քաղաքականություններին, ռազմավարություններին, ռիսկերին և ներդրումային սահմանափակումներին, ինչպես ներկայացված է սույն Կանոններում: Ֆոնդի ակտիվները կարող են ներդրվել կարգավորվող շուկայում շրջանառվող.

- Ֆյուչերսներում,

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 19/34
		Կազմվել է՝ 10.12.2013
		Փոփոխվել է՝ 12.10.2017

- օպցիոններում,
- Ավոփներում:

7.2. Ֆոնդի ակտիվներում ներառված բոլոր ածանցյալ ֆինանսական գործիքների հետ կապված ծածկույթի ընդհանուր ծավալը չպետք է գերազանցի Ֆոնդի ակտիվների ընդհանուր արժեքը:

7.3. Ակտիվների ընդհանուր արժեքը որոշվում է որպես Ֆոնդում ներառված բոլոր ակտիվների շուկայական արժեքների գումար:

## 8. Ֆոնդի եկամուտը

8.1. Ֆոնդի ակտիվներից ձևավորված ողջ եկամուտը, որը ներառում է, բայց չի սահմանափակվում հետևյալով. իրացված կապիտալի հավելած, կայուն եկամտաբերությամբ արժեթղթերի գծով տոկոսագումարների վճարումներ և այլն: Ստացված եկամուտը պետք է վերաներդրվի Ֆոնդում: Շահույթի բաշխում չի նախատեսվում:


8.2. Ֆոնդի եկամտաբերությունը հաշվարկվում է Կանոնակարգ 10/17-ով: Ֆոնդի եկամտաբերության վերաբերյալ տվյալները ենթակա են բացահայտման և հրապարակման՝ օրենսդրությամբ և սույն Կանոններով սահմանված պահանջների համաձայն:

## 9. Ներդրումային որոշումների կայացման ընթացակարգը և պատասխանատու անձինք

9.1. Ֆոնդի ակտիվների հաշվին ներդրումների իրականացման հետ կապված ռազմավարական որոշումները կայացվում են Կառավարչի ներդրումային հանձնաժողովի կողմից՝ հիմնվելով Ֆոնդերի կառավարիչների առաջարկների վրա: Հանձնաժողովի հիմնական առաքելություններն են սահմանել Ֆոնդի կառավարման հիմնական ուղղությունները, ակտիվների տեղաբաշխման ռազմավարությունները և ներդրումային առաջնահերթությունները: Հանձնաժողովի նախագահը Կառավարչի գործադիր տնօրենն է կամ նրան փոխարինող անձը: Հանձնաժողովի անդամներն են՝ ներկայացուցիչներ Ամունդի-ԱԿԲԱ-ի և Ամունդիի ֆոնդերի կառավարման թիմերից, ինչպես նաև Ամունդի-ԱԿԲԱ-ի և Ամունդիի ռիսկերի ստորաբաժանումների ներկայացուցիչները: Այլ փորձագետներ կարող են մասնակցել հանձնաժողովին, եթե անհրաժեշտ լինի: Ներդրումային որոշումների կատարումը իրականացվում է Ֆոնդի կառավարիչների կողմից::

9.2. Ֆոնդի կառավարման գործունեությունը հիմնվում է վերոնշյալ կառավարման գործընթացների վրա՝ հաշվի առնելով օրենսդրական և ներքին իրավական ակտերի պահանջները և սույն Կանոններում կամ ներքին ընթացակարգերում ու որոշումներում սահմանված սահմանափակումները: Այս ուղեցիկների շրջանակներում Ֆոնդերի կառավարիչը պատասխանատու է իր ներդրումների և ներդրումների մարման որոշումների համար:

9.3. Ֆոնդերի կառավարիչների որոշումները պետք է հաշվի առնեն Կառավարչի և Կառավարչի ներդրումային հանձնաժողովի նախանշած ֆինանսական և մակրոտնտեսական ուղեցիկները:

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 20/34
		Կազմվել է՝ 10.12.2013
		Փոփոխվել է՝ 12.10.2017

Ֆոնդերի կառավարիչը պատասխանատու է արժեթղթերի (բաժնետոմսերի կամ պարտատոմսերի) ընտրության և իր սպասումներից և շուկայական իրավիճակից ելնելով ֆինանսական գործիքների առքի կամ վաճառքի համար: Ֆոնդերի կառավարչին իր որոշումների կայացման ընթացքում աջակցելու համար նրան տրվել է Ամունդի վարկային և ֆինանսական վերլուծության հասանելիություն: Նա կարող է նաև օգտագործել ցանկացած արտաքին վերլուծական փաստաթղթեր, եթե այդ վերլուծությունը պատշաճ է և ունի բավարար հիմք:

### 10. Վճարներ և ծախսեր

10.1. Կառավարիչը ստանում է Կառավարչի գլոբալ պարգևավճար, որը հաշվարկվում է Ֆոնդի ԶԱԱ-ի նկատմամբ տոկոսային արտահայտությամբ: Ռեեստրավարի և Պահառուի վճարները (բացառությամբ՝ Կանոնների 10.8 բաժնում ներկայացված արտասահմանյան գործարքների կատարման վճարների) վճարվում են Կառավարչի գլոբալ պարգևավճարից:

10.2. Կառավարչի գլոբալ պարգևավճարի տարեկան չափը սահմանվում է Ֆոնդի ԶԱԱ-ի 1.3 տոկոսի չափով:


10.3. Կառավարչի գլոբալ պարգևավճարը հաշվեգրվում է օրական կտրվածքով և վճարվում ամսական կտրվածքով՝ ոչ ուշ, քան հաջորդ ամսվա 10-րդ աշխատանքային օրը: Կառավարչի գլոբալ պարգևավճարը (ԿԳՊ) t-րդ օրվա համար հաշվարկվում է հետևյալ բանաձևով.

$$ԿԳՊ_t = \frac{(Ակտիվներ_t - Հաշվեգրված պարտավորություններ_t - Հաշվեգրված վճարներ_{t-1}) * ԿԳՊ \text{ դրույք}}{\Phi O \Theta}$$

Որտեղ:

- ԿԳՊ<sub>t</sub>՝ Կառավարչի գլոբալ պարգևավճարի օրական գումարն է,
- Ակտիվներ<sub>t</sub>՝ t-րդ օրվա դրությամբ ակտիվների ընդհանուր շուկայական արժեք,
- Հաշվեգրված պարտավորություններ<sub>t</sub>՝ t-րդ օրվա դրությամբ պարտավորությունների ընդհանուր շուկայական արժեք – t-րդ օրվա դրությամբ հաշվեգրված վճարների արժեքը,
- Հաշվեգրված վճարներ<sub>t-1</sub>՝ հաշվեգրված Կառավարչի գլոբալ պարգևավճար t-1-րդ օրվա դրությամբ + հաշվեգրված Երաշխիքային ֆոնդի վճար t-1-րդ օրվա դրությամբ + հաշվեգրված աուդիտի վճար t-1-րդ օրվա դրությամբ,
- ԿԳՊ դրույք՝ Կառավարչի գլոբալ պարգևավճարի դրույք, որը ներառում է նաև Պահառուի և Ռեեստրավարի վճարի դրույքը,
- ՓՕԹ՝ տարվա փաստացի օրերի թիվ (365 կամ 366 օր):

10.4. Ռեեստրավարի վճարը սահմանվում է Ռեեստրավարի և Կառավարչի միջև կնքված պայմանագրով: Այն Կառավարչի կողմից վճարվում ամսական կտրվածքով՝ Ռեեստրավարից

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 21/34
		Կազմվել է՝ 10.12.2013
		Փոփոխվել է՝ 12.10.2017

ստացված հարկային հաշվի հիման վրա՝ Ռեեստրավարի սակագների վերաբերյալ կանոններում նշված ժամկետներում և կարգով:

10.5. Պահառուի վճարը սահմանվում է Պահառուի և Կառավարչի միջև կնքված պայմանագրով: Այն վճարվում է ամսական կտրվածքով՝ Պահառուից ստացված հարկային հաշվի հիման վրա՝ Պահառուի սակագների վերաբերյալ կանոններում նշված ժամկետներում և կարգով:

10.6. Ֆոնդը վճարում է եռամսյակային երաշխիքային վճարներ կենսաթոշակային ֆոնդերի Երաշխիքային ֆոնդին՝ Ֆոնդի ՋԱԱ-ի 0,02%-ի չափով:

10.7. Երաշխիքային ֆոնդի վճարը հաշվեգրվում է օրական կտրվածքով և վճարվում եռամսյակային կտրվածքով: Երաշխիքային ֆոնդի վճարը (ԵՖՎ) t-րդ օրվա դրությամբ հաշվարկվում է հետևյալ բանաձևի միջոցով՝


$$ԵՖՎ_t = \frac{(Ակտիվներ_t - Հաշվեգրված պարտավորություններ_t - Հաշվեգրված վճարներ_{t-1}) * ԵՖՎ դրույք}{\Phi O \Theta}$$

Որտեղ,

- ԵՖՎ t՝ Երաշխիքային ֆոնդի վճարի օրական գումարն է,
- Ակտիվներ t՝ t-րդ օրվա դրությամբ ակտիվների ընդհանուր շուկայական արժեքն է,
- Հաշվեգրված պարտավորություններ t՝ t-րդ օրվա դրությամբ պարտավորությունների ընդհանուր շուկայական արժեքը – t-րդ օրվա դրությամբ հաշվեգրված վճարների արժեքը,
- Հաշվեգրված վճարներ\_{t-1}՝ հաշվեգրված Կառավարչի գլոբալ պարգևավճար t-1-րդ օրվա դրությամբ + հաշվեգրված Երաշխիքային ֆոնդի վճար t-1-րդ օրվա դրությամբ + հաշվեգրված աուդիտի վճար t-1-րդ օրվա դրությամբ,
- ԵՖՎ դրույք՝ Երաշխիքային ֆոնդի վճարի դրույք,
- ՓՕԹ՝ տարվա փաստացի օրերի թիվ (365 կամ 366 օր):

10.8. Ֆոնդի ակտիվների հաշվին կարող են իրականացվել այլ ծախսեր՝ գործարքների կնքման հետ կապված վճարներ, արժեթղթերի և դրամական միջոցների փոխանցումների գծով վճարներ, Ֆոնդի ներգրավված վարկերի և փոխառությունների գծով վճարվելիք տոկոսներ, ռեպո և հակադարձ ռեպո գործարքների գծով վճարվելիք տոկոսներ: Այդ ծախսերի տարեկան մեծությունը չի կարող գերազանցել կանոնակարգ 10/12-ով սահմանված մակարդակը, հակառակ դեպքում Կառավարիչը պետք է փոխհատուցի Ֆոնդին իր սեփական միջոցներից՝ ավել կատարված ծախսերի չափով:

10.9. Բոլոր վճարները, որոնք ակնկալվում է, որ ի հայտ կգան գործարքների իրականացման ընթացքում (արտասահմանյան ֆոնդերի փայերի բաժանորդագրության նպատակով պատվերների ներկայացման, վերջնահաշվարկի, դրամական միջոցների փոխանցման, նախնական ծանուցման վճար և այլն) հաշվեգրվում են գործարքի օրվա դրությամբ: Արտասահմանյան արժույթով արտահայտված բոլոր գործարքային ծախսերը հաշվեգրվում են

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 22/34
		Կազմվել է՝ 10.12.2013
		Փոփոխվել է՝ 12.10.2017

գործարքի օրվա դրությամբ և վերագնահատվում են օրական կտրվածքով մինչև փաստացի վճարումը:

10.10. Գործարքների իրականացման տարբեր փուլերում ի հայտ եկած վճարները, որպես կանոն, վճարվում են ոչ ուշ, քան հաջորդ ամսվա 10-րդ աշխատանքային օրը:

10.11. Արտասահմանյան բրոքերային միջնորդավճարները ներառվում են գործարքի զուտ արժեքի մեջ և վճարվում՝ վերջնահաշվարկի պահին:

10.12. ՀՀ-ում իրականացված գործարքների բրոքերային միջնորդավճարները՝ ներառյալ ՀՀ-ում գործող ֆոնդային բորսայի վճարները (եթե այդպիսիք առկա են) վճարվում են վերջնահաշվարկի օրը:

10.13. Ֆոնդի հիմնական դրամական (ենթապահառուական) հաշիվներից կանխիկ դրամական միջոցների փոխանցման միջնորդավճարները վճարվում են գումարի փոխանցման օրը:

10.14. Ֆոնդի աուդիտի վճարը վճարվում է Ֆոնդի ակտիվների հաշվին՝ Կենտրոնական բանկի Կանոնակարգ 10/12-ով սահմանված առավելագույն գումարի շրջանակում:

10.15. Ֆոնդի կողմից վճարման ենթակա տարեկան աուդիտի վճարի չափը կախված է աուդիտի ծառայությունների մատուցման պայմանագրի կնքման տարվան նախորդող տարվա վերջին աշխատանքային օրվա դրությամբ Ֆոնդի ԶԱԱ-ի և Կառավարչի կողմից կառավարվող երեք պարտադիր կենսաթոշակային ֆոնդերի գումարային ԶԱԱ-ի հարաբերակցությունից: Աուդիտի վճարը հաշվեգրվում է օրական կտրվածքով և վճարվում աուդիտի ծառայությունների մատուցման պայմանագրի համաձայն:

10.16. Աուդիտի վճարը հաշվեգրվում է օրական կտրվածքով և վճարվում աուդիտի ծառայությունների մատուցման պայմանագրի համաձայն: Աուդիտի վճարը t-րդ օրվա համար հաշվարկվում է հետևյալ բանաձևով՝

$$\text{Աուդիտի վճար } t = \frac{\text{Ֆոնդի աուդիտի վճար}}{365}$$


Որտեղ՝

- Աուդիտի վճար t՝ t-րդ օրվա դրությամբ աուդիտի վճար,

10.17. Վերը նշված բոլոր վճարները կլորացվում են 2 նիշի ճշտությամբ:

## 11. Փայի հաշվարկային արժեք, տեղաբաշխման և մարման գներ

11.1. Ֆոնդի տեղաբաշխված փայերի թիվը որոշվում է Ռեեստրավարի համակարգում հասանելի վերջին հաշվետվությամբ: Ֆոնդի ԶԱԱ-ն հաշվարկվում է յուրաքանչյուր աշխատանքային օրվա համար համապատասխան շուկաների փակումից և համապատասխան գների հայտնի դառնալուց հետո՝ հիմք ընդունելով կտրման պահի դրությամբ վերջին հայտնի տվյալները: Ֆոնդի ԶԱԱ-ի հարաբերությունը տեղաբաշխված փայերի թվին կազմում է Ֆոնդի միավոր փայի ԶԱԱ-ն (հաշվարկային արժեքը): Ֆոնդի փայի բաժանորդագրման գինը համընկնում

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 23/34
		Կազմվել է՝ 10.12.2013
		Փոփոխվել է՝ 12.10.2017

է Ֆոնդի միավոր փայի ՋԱԱ-ի հետ: Փայի հետգնման գինը կարող է փոքր լինել Փայի հաշվարկային արժեքից 1 տոկոսով, եթե այլ բան սահմանված չէ սույն Կանոններով:

11.2. Հետգնման միջնորդավճարը չի կիրառվում Ռեեստրավարի պահանջով կատարվող հետևյալ գործարքների դեպքում.

11.2.1. Երբ Ֆոնդի փայերի մարման արդյունքում ձևավորված միջոցներն ուղղվում են Մասնակցի կենսաթոշակի վճարումներին՝ ծրագրային կամ միանվագ վճարի տեսքով կամ փոխանցվում են ընտրված ապահովագրական ընկերությանը՝ Անուիտետի ձեռքբերման նպատակով կամ Օրենքով նախատեսված դեպքերում՝ միջոցների դուրսբերման այլ թույլատրելի դեպքերում,

11.2.2. Մասնակցի կողմից Ֆոնդի իր փայերը Կառավարչի այլ պարտադիր կենսաթոշակային ֆոնդի փայերով փոխանակելու դեպքում,

11.2.3. Այն դեպքում, երբ փայերի մարումը հետևանք է Ֆոնդի դադարեցման՝ Օրենքով նախատեսված դեպքերում,

11.2.4. Մասնակցի կողմից 12 ամսվա ընթացքում առաջին անգամ Ֆոնդի փայերն այլ պարտադիր կենսաթոշակային ֆոնդի կառավարչի կողմից կառավարվող ֆոնդի փայերով փոխանակելու դեպքում, ինչպես սահմանվում է Օրենքով,

11.2.5. Կենսաթոշակային հաշիվը բացելուց հետո Մասնակցի կողմից Ֆոնդի փայերի առաջին անգամ փոխանակման դեպքում,

11.2.6. Ժառանգի կողմից Օրենքով սահմանված կարգով ժառանգված Ֆոնդի փայերի առաջին փոխանակման գործարքի դեպքում:

11.3. Եթե ժառանգը ներկայացրել է ժառանգված Ֆոնդի փայերի մարման և մարման արդյունքում ձևավորված դրամական միջոցները Օրենքով սահմանված կարգով միանվագ ստանալու դիմում, ապա Ֆոնդի փայերի մարման ժամանակ գանձվում է լրացուցիչ 2 տոկոս մարման վճար՝ Ֆոնդի օգտին:


11.4. Փայի հաշվարկային արժեքն՝ Կառավարչի կողմից հաստատվելուց հետո ուղարկվում է Ռեեստրավարին, ինչպես նաև հրապարակվում է Կառավարչի ինտերնետային կայքում Կենտրոնական բանկի կանոնակարգ 10/09-ով սահմանված կարգով:

11.5. Եթե Ֆոնդի ադմինիստրավորման գործակալը չի հաշվարկում Ֆոնդի փայի պաշտոնական հաշվարկային արժեքը մինչև վերոնշյալ վերջնաժամկետը, Կառավարիչը Ֆոնդի ադմինիստրավորման գործակալին և Ռեեստրավարին է տրամադրում Ֆոնդի փայի գնահատված հաշվարկային արժեքը՝ վերջիններիս համակարգերում գրանցելու համար:

11.6. Եթե Կառավարիչը չի կարող Ռեեստրավարին տրամադրել Ֆոնդի փայի հաշվարկային արժեքը մինչև վերջնաժամկետը, Ռեեստրավարի համակարգում ավտոմատ կերպով գրանցվում է նախորդ հայտնի Ֆոնդի փայի հաշվարկային արժեքը:

11.7. Փայի հաշվարկային արժեքը, թողարկման և մարման գները կլորացվում են ստորակետից հետո 4 նիշի ճշտությամբ:

## 12. ՋԱԱ հաշվարկը

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 24/34
		Կազմվել է՝ 10.12.2013
		Փոփոխվել է՝ 12.10.2017

12.1. ՉԱԱ-ի հաշվարկը հիմնվում է ՀՀ օրենքների և կանոնակարգերի, ֆրանսիական հաշվապահական հաշվառման ստանդարտների, ինչպես նաև սույն կանոնների պահանջների վրա:

12.2. Չուտ ակտիվների արժեքի հաշվարկման հիմնական տարրերը Ֆոնդի զուտ ակտիվներն են (ակտիվներ՝ հանած կուտակված պարտավորություններ) և փայերի թիվը:

12.3. Փայի հաշվարկային արժեքը t-րդ օրվա համար հաշվարկվում է՝ Ֆոնդի զուտ ակտիվների արժեքը բաժանելով այդ օրվա դրությամբ փայերի թվի վրա համաձայն հետևյալ բանաձևի՝

$$\text{Փայի հաշվարկային արժեք}_t = \frac{\text{Չուտ ակտիվների արժեք}_t}{\text{Փայերի թիվ օրվա վերջում}_t}$$

Որտեղ՝

- Չուտ ակտիվներ<sub>t</sub> = Ակտիվներ<sub>t</sub> - Կուտակված պարտավորություններ<sub>t</sub>
- Ակտիվներ<sub>t</sub> = Ֆոնդի ակտիվների շուկայական արժեք (ներառյալ՝ դրամական միջոցներ և դրամական շուկայի գործիքներ),
- Կուտակված պարտավորություններ<sub>t</sub> = հաշվեգրված վճարներ + պարտավորություններ վերջնահաշվարկի չենթարկված արժեթղթերի գծով + այլ պարտավորություններ,
- Փայերի թիվ օրվա վերջում<sub>t</sub> = Փայերի թիվ օրվա սկզբում<sub>t</sub> + տեղաբաշխված փայեր t-րդ օրվա ընթացքում - մարված փայեր t-րդ օրվա ընթացքում,

Կլորացման կանոններ՝


- Չուտ ակտիվների արժեքի հաշվարկում փայերի թիվը կլորացվում է ստորակետից հետո 6 նիշի ճշտությամբ, այն դեպքում երբ փայի հաշվարկային արժեքը՝ 4 նիշի ճշտությամբ:

#### 12.4. Դրամական միջոցների և բանկային ավանդների գնահատում

12.4.1. Բանկային հաշիվների և ավանդների գնահատումը իրականացվում է դրանց անվանական արժեքի և հաշվեգրված տոկոսների հիման վրա:

12.4.2. t-րդ օրվա դրությամբ հաշվեգրված տոկոսները հաշվարկվում են հետևյալ բանաձևի միջոցով.

- t-րդ օրվա դրությամբ հաշվեգրված տոկոսներ = t-1-րդ օրվա դրությամբ հաշվեգրված տոկոսներ + t-րդ օրվա տոկոսների օրական հաշվեգրում,
- Օրական հաշվեգրում<sub>t</sub> = (Ավանդի մնացորդ<sub>t-1</sub> \* անվանական տոկոսադրույք) / օրերի թիվ
- Օրերի թիվը կարող է լինել 360, 365 կամ 366:

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 25/34
		Կազմվել է՝ 10.12.2013
		Փոփոխվել է՝ 12.10.2017

12.4.3. ՀՀ-ում բանկային միջոցները և ավանդները գնահատելիս, եթե t-րդ օրը նախորդում է ոչ աշխատանքային օրվա (օրերի), t-րդ օրվա դրությամբ տոկոսների հաշվեգրումը ներառում է հաշվեգրված տոկոսները նաև առաջիկա ոչ աշխատանքային օրվա(օրերի) համար:

Կլորացման կանոններ.

- ՀՀ դրամով արտահայտված հաշիվների համար, բոլոր մնացորդները կլորացվում են ստորակետից հետո 2 նիշի ճշտությամբ,
- Արտարժույթով արտահայտված հաշիվների համար, բոլոր մնացորդները կլորացվում են ստորակետից հետո 2 նիշի ճշտությամբ:

12.5. ՀՀ-ում թողարկված պարտատոմսերի գնահատում

12.5.1. Հայաստանի Հանրապետության դրամով արտահայտված պետական դրամային պարտատոմսերը գնահատվում են Կենտրոնական բանկի կողմից հրապարակված վերջին հասանելի եկամտաբերության կորի հիման վրա:


12.5.2. Հայաստանի Հանրապետությունում Հայաստանի Հանրապետության դրամով և արտարժույթով արտահայտված կորպորատիվ պարտատոմսերի գնահատման գների հիերարխիան հետևյալն է՝

- ա. Գնահատման օրվա կարգավորվող շուկայի փակման գին,
- բ. Լավագույն առքի և լավագույն վաճառքի գների միջին թվաբանականը՝ գնահատման օրվա դրությամբ կարգավորվող շուկայի առևտրային նստաշրջանի փակման պահին,
- գ. Եթե վերոնշյալ գները հասանելի չեն (կամ գոյություն չունեն), պարտատոմսը պետք է գնահատվի ա և բ կետերում սահմանված հաջորդականությամբ, բացառությամբ այն դեպքերի, երբ վերոնշյալ գները հասանելի չեն վերջին 30 աշխատանքային օրերի ընթացքում,
- դ. Եթե վերոնշյալ գները հասանելի չեն վերջին 30 աշխատանքային օրերի ընթացքում, պարտատոմսի արդարացի գինը հաշվարկվում է Կառավարչի կողմից:

Կլորացման կանոններ՝

- Հայաստանի Հանրապետության դրամով արտահայտված պետական պարտատոմսերի գները արտահայտվում են 100 միավորի նկատմամբ և կլորացվում են 8 նիշի ճշտությամբ,
- Հայաստանի Հանրապետությունում թողարկված կորպորատիվ պարտատոմսերի գները կլորացվում են մինչև 8 նիշի ճշտությամբ,
- Հայաստանի Հանրապետությունում Հայաստանի Հանրապետության դրամով և արտարժույթով արտահայտված պետական և կորպորատիվ պարտատոմսերի ընդհանուր շուկայական արժեքները կլորացվում են 2 նիշի ճշտությամբ:

12.6. Արտարժույթ

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 26/34
		Կազմվել է՝ 10.12.2013
		Փոփոխվել է՝ 12.10.2017

12.6.1. Ակտիվների և պարտավորությունների գնահատումը, ներառյալ նրանք, որոնք արտահայտված են արտարժույթով, իրականացվում է ՀՀ դրամով:

12.6.2. Արտարժույթով արտահայտված ակտիվների և պարտավորությունների գնահատումը իրականացվում է հետևյալ հիերարխիայի համաձայն.

ա. գնահատման օրվա կտրման պահի դրությամբ՝ «Արժութային կարգավորման և արժութային վերահսկողության մասին» Հայաստանի Հանրապետության օրենքով սահմանված արտարժույթի առուվաճառքի սակարկություններ իրականացնող անձի կողմից կազմակերպված արտարժույթի շուկայում տվյալ արտարժույթով առևտրային նստաշրջանի վերջին գործարքի գին,

բ. Կենտրոնական բանկի կողմից հրապարակված գնահատման օրվա դրությամբ արտարժույթի փոխարժեք:

Կլորացման կանոններ.

- Կառավարիչն օրական կտրվածքով Ֆոնդի ադմինիստրավորման գործակալին է ուղարկում հակադարձված արտարժույթի փոխարժեքները (1/օրիգինալ փոխարժեք)՝ կլորացված 10 նիշի ճշտությամբ,
- Ֆոնդի ադմինիստրավորման գործակալը հակադարձում է դրանք 10 նիշի ճշտությամբ:


Բացահայտում՝

Որպես կանոն, վերոնշյալ կլորացումը կարող է աննշան տարբերություն առաջացնել արտարժույթի օրիգինալ փոխարժեքի և Ֆոնդի ադմինիստրավորման գործակալի կողմից արտարժութային ակտիվների և պարտավորությունների գնահատման ժամանակ կիրառվող փոխարժեքների միջև:

12.7. Ցուցակված օտարերկրյա պարտքային արժեթղթերի և բաժնետրամսերի ինչպես նաև ՀՀ անունից թողարկված արտարժույթով արտահայտված պարտքային արժեթղթերի գնահատում

12.7.1. Ցուցակված օտարերկրյա արժեթղթերի ինչպես նաև ՀՀ անունից թողարկված արտարժույթով արտահայտված արժեթղթերի գնահատումը իրականացվում է՝ արդարացի շուկայական արժեքի գաղափարի հիման վրա:

12.7.2. Օտարերկրյա կարգավորվող շուկաներում գնանշվող, ինչպես նաև ՀՀ անունից թողարկված արտարժույթով արտահայտված պարտատոմսերի գնահատման համար գների հիերարխիան հետևյալն է (անհրաժեշտ տվյալները վերցվում են համաձայն Կառավարչի ներքին իրավական ակտերով սահմանված միջազգային ֆինանսական շուկաներում ընդունված տեղեկատվական աղբյուրների առաջնահերթության).

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 27/34
		Կազմվել է՝ 10.12.2013
		Փոփոխվել է՝ 12.10.2017

ա. Վերջին հասանելի միջին փակման գին, որը հաշվարկվում է որպես տարբեր աղբյուրներից ստացված առևտրային նստաշրջանի փակման պահի դրությամբ լավագույն առքի և լավագույն վաճառքի գնանշումների միջին թվաբանական,

բ. Գնահատման օրվան նախորդող 30 օրերի կտրվածքով հասանելի միջին փակման գին,

գ. Եկամտաբերության կորի հիման վրա հաշվարկված վերջին հասանելի գին:

12.7.3. Օտարերկրյա կարգավորվող շուկաներում գնանշվող բաժնետոմսերի գնահատման համար գների հիերարխիան հետևյալն է (անհրաժեշտ տվյալները վերցվում են համաձայն Կառավարչի ներքին իրավական ակտերով սահմանված միջազգային ֆինանսական շուկաներում ընդունված տեղեկատվական աղբյուրների առաջնահերթության)։

ա. Գնահատման օրվա փակման գինը կամ առկայության դեպքում ավելի նոր փակման գինը,

բ. Գնահատման օրվան նախորդող վերջին հայտնի փակման գինը,

գ. Եթե վերոնշյալ գները հասանելի չեն վերջին 30 աշխատանքային օրերի ընթացքում, բաժնետոմսի արդարացի գինը հաշվարկվում է Կառավարչի կողմից, որը որոշվել է բարեխղճորեն, ֆինանսների ոլորտում համընդհանուր ընդունված մեթոդների կիրառմամբ:


#### Կլորացման կանոններ

- Օտարերկրյա պարտատոմսերի և բաժնետոմսերի գները կլորացվում են մինչև 4 նիշի ճշտությամբ, կախված շուկայական տվյալների աղբյուրի տրամադրած գնից,,
- Օտարերկրյա պարտատոմսերի և բաժնետոմսերի արժեքի դրամային համարժեքը կլորացվում է 2 նիշի ճշտությամբ:

12.7.4. Եթե վերջին գործարքի կամ վերջին հայտնի գնի ամսաթվից հետո (վերոնշյալ 30 օրերի ընթացքում) տեղի է ունեցել տվյալ արժեթղթի կամ թողարկողի հետ կապված որևէ էական իրադարձություն, Կառավարիչը պետք է համապատասխանաբար ճշգրտի արժեթղթերի գինը՝ հնարավորինս արտացոլելով արժեթղթի իրական շուկայական արժեքը:

#### 12.8. Ֆոնդերի փայերի գնահատումը

12.8.1. Կարգավորվող շուկայում առևտրին թույլատրված ֆոնդերի փայերի (ETFs) և այլ փակ ֆոնդերի (որոնք հրապարակում են օրական փայերի հաշվարկային արժեքներ) գնահատումը իրականացվում է գնահատման օրը կտրման պահի դրությամբ տվյալ ֆոնդի փայի վերջին հրապարակված հաշվարկային արժեքով, իսկ դրա բացակայության դեպքում՝ գնահատման օրը կտրման պահի դրությամբ տվյալ ֆոնդի փայի վերջին հայտնի փակման գնով: Եթե ֆոնդերի փայերի (բաժնետոմսերի) գծով գնահատման օրվան հաջորդող ոչ աշխատանքային օրվա համար հրապարակվել է սույն կետով սահմանված նոր հաշվարկային արժեք, ապա տվյալ ֆոնդի փայի (բաժնետոմսի) գնահատման համար կարող է հիմք ընդունվել նոր հրապարակված հաշվարկային արժեքը:

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 28/34
		Կազմվել է՝ 10.12.2013
		Փոփոխվել է՝ 12.10.2017

12.8.2. Բաց ներդրումային ֆոնդերի գինը որոշվում է գնահատման օրվա դրությամբ վերջին հասանելի փայերի հաշվարկային արժեքի հիման վրա կամ ավելի թարմ փայի հաշվարկային արժեքով, առկայության դեպքում:

12.8.3. Վերոնշյալ տվյալների աղբյուրն ընտրվում է ըստ Կառավարչի ներքին իրավական ակտերով սահմանված միջազգային ֆինանսական շուկաներում ընդունված տեղեկատվական աղբյուրների առաջնահերթության ինտերնետային կայքում զետեղված շուկայական տվյալների աղբյուրների առաջնահերթության:

Կլորացման կանոններ.

- Ֆոնդերի փայերի գները կլորացվում են ստորակետից հետո մինչև 4 նիշի ճշտությամբ, կախված շուկայական տվյալների աղբյուրի տրամադրած գնից,
- 
- Ֆոնդի փայերի արժեքի դրամային համարժեքը կլորացվում է 2 նիշի ճշտությամբ:

#### 12.9. Վերջնահաշվարկի չենթարկված ֆոնդերի գնահատումը


12.9.1. Գնանշվող ֆոնդերի և չգնանշվող բաց ներդրումային ֆոնդերի փայերն արտացոլվում են Ֆոնդի ԶԱԱ-ի հաշվարկում գործարքի օրվա դրությամբ: Նախքան վերջնահաշվարկը, գնանշվող ֆոնդերը ձևավորում են դեբիտորական պարտավորություն (վճարված լինելու դեպքում) կամ կրեդիտորական պարտք (գնված լինելու դեպքում): Գործարքի զուտ գումարը վերագնահատվում է արտարժույթի օրական փոխարժեքով:

12.9.2. Բաց ֆոնդերի դեպքում, եթե նախքան Պահառուի կողմից ֆոնդի փայի վերջնական գնի վերաբերյալ հաստատման ստացումը հայտնի է դառնում գործարքի նոր զուտ գումարի մասին, ձևավորված դեբիտորական/կրեդիտորական պարտավորությունները վերագնահատվում են գործարքի նոր զուտ գումարի հիման վրա: Պահառուից վերոնշյալ հաստատումը ստանալուն պես, բաց ֆոնդերի գծով պարտավորությունները վերագնահատվում են վերջնական հայտնի գնի հիման վրա:

#### 12.10. Ժամկետանց պարտքային արժեթղթերի և դեբիտորական պարտքերի գնահատումը

12.10.1. Եթե թողարկողը չի կատարում պարտքային արժեթղթի գծով իր պարտավորությունները (այդ թվում՝ արժեթղթի մարում, մասնակի մարում, արժեկտրոնի վճարում), ապա տվյալ պարտքային արժեթղթի գծով ստացվելիք գումարների գնահատման ժամանակ դրանք նվազեցվում են վճարման նախատեսված օրվան հաջորդող՝

- 90 օրվա ընթացքում 10 տոկոսի չափով՝ օրական կտրվածքով հավասարաչափ գումարի տեսքով,

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 29/34
		Կազմվել է՝ 10.12.2013
		Փոփոխվել է՝ 12.10.2017


- 91 օրից 180 օրվա ընթացքում 10 տոկոսի չափով՝ օրական կտրվածքով հավասարաչափ գումարի տեսքով,
  - 181 օրից 270 օրվա ընթացքում 30 տոկոսի չափով՝ օրական կտրվածքով հավասարաչափ գումարի տեսքով,
  - 271 օրից 360 օրվա ընթացքում մնացած 50 տոկոսի չափով՝ օրական կտրվածքով հավասարաչափ գումարի տեսքով:
- 12.11. Կառավարիչը որոշակի աշխատանքային օրերի կարող է չհաշվարկել ֆոնդի ՋԱԱ-ն, եթե
- 12.11.1. Ֆոնդի ՋԱԱ-ի արժեքի հաշվարկումը պատվիրակված է այլ անձի, որը օտարերկրյա կազմակերպություն է, և
  - 12.11.2. Այդ օրերը նախապես հրապարակվել են կառավարչի ինտերնետային կայքում: Ընդ որում, այդ օրերը կարող են ներառել միայն 12.11.1. ենթակետում նշված անձի համար ոչ աշխատանքային օրերը, ինչպես նաև շաբաթ և կիրակի օրերը (անկախ դրանց աշխատանքային լինելու հանգամանքից):
- 12.12. Հաշվետու ժամանակաշրջանի վերջի ՋԱԱ-ի հաշվարկը կատարվում է հետևյալ կանոններով՝
- 12.12.1. Տարեվերջյան ՋԱԱ-ն տարվա վերջին աշխատանքային օրվա պաշտոնական ՋԱԱ-ն է: Այն հիմնված է տարվա վերջին աշխատանքային օրվա կտրման պահի դրությամբ հասանելի գործիքների գների և տարվա վերջին օրվա դրությամբ հաշվարկված տոկոսների և միջնորդավճարների վրա:
  - 12.12.2. Եռամսյակի վերջին ՋԱԱ-ն հաշվետու եռամսյակի վերջին աշխատանքային օրվա պաշտոնական ՋԱԱ-ն է: Այն հիմնված է հաշվետու եռամսյակի վերջին աշխատանքային օրվա կտրման պահի դրությամբ հասանելի գործիքների հաշվարկված տոկոսագումարների և միջնորդավճարների վրա:

### 13. Փայերի փոխանակման ընթացակարգը

13.1. Ռեեստրավարը, Մասնակիցների կողմից համապատասխան դիմումը ստանալիս, օգտագործում է Ֆոնդի փայի վերջին հասանելի մարման գինը Ֆոնդի հաշվից փոխանցվելիք դրամական միջոցները հաշվարկելու համար: Փոխանակման արդյունքում այլ կենսաթոշակային ֆոնդի (Կառավարչի կամ այլ կենսաթոշակային ֆոնդի կառավարչի կողմից կառավարվող) թողարկվելիք փայերի քանակը հիմնվում է այդ ֆոնդի վերջին հասանելի բաժանորդագրության գնի վրա: Եթե Մասնակիցը պետք է վճարի հետգնման վճար, ապա Ռեեստրավարը պետք է տեղեկացնի նրան այդ մասին և նշի վճարվելիք գումարի չափը:

13.2. Այն դեպքում, երբ փոխանակման ենթակա փայերը փոխանակվում են Կառավարչի կողմից կառավարվող մեկ այլ պարտադիր կենսաթոշակային ֆոնդի փայերով, Կառավարիչը Ռեեստրավարի համակարգի միջոցով տեղեկանում է իր՝ տվյալ ֆոնդում փոխանակման ենթակա փայերի քանակի և գումարի վերաբերյալ:

13.3. Այն դեպքում, երբ փայերը փոխանակվում են այլ կառավարչի կողմից կառավարվող պարտադիր կենսաթոշակային ֆոնդի փայերով, Կառավարիչը հանձնարարում է Պահառուին

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ</p> <p align="center"><b>Հավասարակշռված կենսաթոշակային ֆոնդ Կանոններ</b></p>	Էջ՝ 30/34
		Կազմվել է՝ 10.12.2013
		Փոփոխվել է՝ 12.10.2017

փոխանցել Ֆոնդի հաշվից համապատասխան գումարները Ռեեստրավարի հաշվին: Փոխանցումը պետք է կատարվի ոչ ուշ, քան Կառավարչի կողմից փայերի փոխանակման վերաբերյալ հաշվետվությունը ստանալու պահից 10 աշխատանքային օրվա ընթացքում: Պարտավորության հաշվեգրումը պետք է կատարվի համապատասխան փայերի հետզնման օրը:

13.4. Վերոնշյալ գործընթացում Ռեեստրավարի պարտականությունն է առանձնացնել այն հետզնման (մարման) գործարքները, որոնք պահանջում են հետզնման միջնորդավճարի գանձում:

#### **14. Ծրագրային վճարների հաշվարկի և իրականացման ընթացակարգը**

14.1. Ծրագրային վճարը Մասնակցի կենսաթոշակային հաշվում առկա Ֆոնդի փայերի մասնակի մարումների հաշվին ամսական կտրվածքով վճարվող կենսաթոշակ է՝ բաշխված ըստ կյանքի սպասվող տևողության ամիսների:

14.2. Կառավարությունը սահմանում է ծրագրային վճարների հաշվարկման մեթոդաբանությունը և վճարման կարգը:

14.3. Ամսական ծրագրային վճարների մեծությունը Ռեեստրավարի կողմից հաղորդվում է Կառավարչին՝ հիմնվելով ծրագրային վճարի կատարման ամսվա 1-ին աշխատանքային օրվա դրությամբ մարվող Ֆոնդի փայերի թվի և վերջին հայտնի մարման գնի վրա: Ռեեստրավարը նվազեցնում է ծրագրային վճարների կատարմանն ուղղված Ֆոնդի փայերի թիվը ընդհանուր փայերի քանակից և դրամական միջոցները փոխանցում է Մասնակցին մինչև տվյալ ամսվա 10-րդ աշխատանքային օրը:


14.4. Ռեեստրավարը Կառավարչին է ներկայացնում պարբերական հաշվետվություններ, որպեսզի Կառավարիչը հնարավորություն ունենա կանխատեսել իր մոտակա ելքերը և նախանշել կարճաժամկետ և միջնաժամկետ իրացվելիության կառավարման ծրագիրը:

#### **15. Փայերի հետզնումն ապահովագրական ընկերությանը փոխանցելու նպատակով**

15.1. Եթե Մասնակիցը ցանկանում է կենսաթոշակը ստանալ Անուիտետի տեսքով, ապա նա Ռեեստրավարին է ներկայացնում գրավոր դիմում՝ նշելով ընտրված ապահովագրական ընկերության և անուիտետի պայմանագրի մասին տեղեկություններ, ինչպես նաև տեղեկություններ մարվող Ֆոնդի փայերի և ապահովագրական ընկերությանը տեղեկություններ փոխանցելու մասին:

15.2. Ռեեստրավարը Կառավարչին ծանուցում է մարման պահանջի մասին: Դիմումը ստանալուց հետո 10 աշխատանքային օրվա ընթացքում Ռեեստրավարը կազմակերպում է Մասնակցի կենսաթոշակային հաշվում առկա փայերի մարումն ու դրա արդյունքում ստացված միջոցների փոխանցումը Մասնակցի դիմումում նշված ապահովագրական ընկերությանը՝ անուիտետ գնելու նպատակով:

#### **16. Ֆոնդի կառավարչի և պահառուի փոփոխությունը**

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 31/34
		Կազմվել է՝ 10.12.2013
		Փոփոխվել է՝ 12.10.2017

16.1. Մասնակիցն իրավունք ունի փոխելու իր կենսաթոշակային ֆոնդի կառավարչին և ուղղել իր հետագա կուտակային հատկացումները և/կամ իր առկա ֆոնդի փայերը ցանկացած այլ կենսաթոշակային ֆոնդի կառավարչի, եթե այլ բան նախատեսված չէ Օրենքով:

16.2. Պահառուն կարող է իր հայեցողությամբ դադարեցնել Ֆոնդի պահառության պայմանագիրը (պայմանագրի կամավոր դադարում)՝ «Ներդրումային ֆոնդերի մասին» ՀՀ օրենքով սահմանված կարգով:

16.3. Իր հայեցողությամբ պայմանագիրը դադարեցնելու մտադրության դեպքում Պահառուն պարտավոր է ենթադրյալ դադարեցման օրվանից առնվազն 90 օր առաջ այդ մասին տեղեկացնել Կառավարչին, Կենտրոնական բանկին և Ռեեստրավարին:

16.4. Պահառուի լիցենզիան ուժը կորցրած ճանաչվելու, ինչպես նաև Պահառուի սնանկ ճանաչվելու դեպքերում (գործունեության հարկադիր դադարում) Կենտրոնական բանկը պարտավոր է այդ մասին տեղեկացնել Կառավարչին՝ որոշման ընդունման օրվանից հետո՝ 3-օրյա ժամկետում:

16.5. Տեղեկությունը ստանալուց հետո՝ 60-օրյա ժամկետում, Կառավարիչը պարտավոր է պահառության պայմանագիր կնքել այլ պահառուի հետ:

16.6. Ֆոնդի պահառության պայմանագիրը դադարելուց հետո Պահառուն պարտավոր է Ֆոնդի ակտիվները և դրանց վերաբերյալ փաստաթղթերը փոխանցել նոր պահառուին: Ֆոնդի պահառության պայմանագրի դադարեցման դեպքում Պահառուն պարտավոր է շարունակել կատարել օրենքով, դրա հիման վրա ընդունված նորմատիվ իրավական ակտերով և Կանոններով սահմանված իր պարտականությունները մինչև նոր պահառուի հետ պայմանագրի կնքումը և վերջինիս Ֆոնդի ակտիվների փոխանցումը: Պահառուն շարունակում է պատասխանատվություն կրել մինչև ակտիվները և փաստաթղթերը նոր պահառուին ամբողջությամբ փոխանցելը:

## **17. Որոշակի գործառնությունների պատվիրակման ընթացակարգը**

17.1. Ֆոնդի կառավարման ավելի արդյունավետ մակարդակ ապահովելու համար Կառավարիչը երրորդ կողմին կարող է պատվիրակել իր գործառնությունների որոշակի մասը: ՀՀ տարածքում կատարվող ներդրումների կառավարման գործառնությունները չեն կարող պատվիրակվել:


17.2. Այդ գործառնությունները ներառում են.

17.2.1. Ֆոնդի զուտ ակտիվների արժեքի, փայերի հաշվարկային արժեքի հաշվարկման գործառնություններն Ֆոնդի հաշվապահություն,

17.2.2. Ֆոնդի կառավարում ՀՀ տարածքից դուրս ներդրումների գծով,

17.2.3. Այլ գործառնություններ, որոնք չեն բնութագրվում որպես հիմնական ներդրումային կառավարում և ՀՀ օրենսդրությամբ թույլատրված է դրանց պատվիրակումը:

17.3. Որևէ գործառնությի պատվիրակումը չի ազատում Կառավարչին այդ գործառնությի իրականացման՝ օրենսդրությամբ սահմանված իր պատասխանատվությունից: Պատվիրակման բոլոր պայմանագրերը ենթակա են օրենսդրությամբ սահմանված կարգով Կենտրոնական բանկին բացահայտման:

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 32/34
		Կազմվել է՝ 10.12.2013
		Փոփոխվել է՝ 12.10.2017

## 18. Ֆոնդում Կառավարչի սեփական ներդրումների և մարումների ընթացակարգ

18.1. Ֆոնդում սեփական ներդրումներ իրականացնելու համար Կառավարիչը Ռեեստրավարի բանկային հաշվին է փոխանցում համապատասխան դրամական միջոցները՝ նշելով Ռեեստրավարի կողմից տրամադրված հատուկ տարբերակիչ համարը: Կառավարչի հաշվին տեղաբաշխվելիք Ֆոնդի փայերի քանակը որոշվում է փոխանցումն իրականացնելու օրվա դրությամբ հայտնի բաժանորդագրման գնի հիման վրա:

18.2. Ռեեստրավարը թողարկված Ֆոնդի փայերը Կառավարչի հաշվին է փոխանցում գումարը ստանալուց հետո առավելագույնը 1 աշխատանքային օրվա ընթացքում:

18.3. Ռեեստրավարը Կառավարչին տեղեկատվություն է տրամադրում Կառավարչի հաշվին փոխանցված Ֆոնդի փայերի թվի և թողարկման գնի վերաբերյալ՝ Ֆոնդի փայերի թողարկումից հետո առավելագույնը 1 աշխատանքային օրվա ընթացքում:

18.4. Սեփական փայերի հետգնման համար Կառավարիչը Ռեեստրավարի համակարգում ներկայացնում է մարման հայտ՝ մարվող Ֆոնդի փայերի քանակի մասին տեղեկատվությամբ: Մարման արդյունքում ձևավորվող գումարի չափը որոշվում է հիմնվելով վերջին հայտնի մարման գնի վրա:

18.5. Ֆոնդի փայերի մարման մասին հայտ ստանալուց հետո Ռեեստրավարը կազմակերպում է Ֆոնդի փայերի մարումը և համապատասխան դրամական միջոցների փոխանցումը 10 աշխատանքային օրվա ընթացքում: Ռեեստրավարը պատշաճ կերպով ծանուցում է Կառավարչին և տրամադրում է հաշվետվություն:

18.6. Կառավարչի կողմից հետգնում (մարում) չի թույլատրվում, եթե վերջինիս արդյունքում Ֆոնդում նրա սեփական մասնակցությունը կարող է նվազել օրենսդրությամբ սահմանված նվազագույն մակարդակից: Կառավարչի սեփական մասնակցությունը որոշվում է որպես նրա սեփական փայերի և Ֆոնդի տեղաբաշխված փայերի ամբողջ քանակի հարաբերություն:


## 19. Մասնակիցներին փոխհատուցման կարգը

19.1. Կառավարիչը պարտավոր է հատուցել Ֆոնդի զուտ ակտիվների արժեքի հաշվարկում տեղի ունեցած էական սխալի պատճառով մասնակիցներին և/կամ Ֆոնդին պատճառված վնասները, որոնք ներառում են.

19.1.1. Ֆոնդի կրած վվնասը՝ Ֆոնդի փայերի (բաժնետոմսերի) մարման գծով մասնակիցներին ավել վճարված կամ Ֆոնդի փայերի (բաժնետոմսերի) ձեռքբերման համար մասնակիցներից պակաս ստացված գումարի չափով.

19.1.2. համապատասխան մասնակիցների կրած վնասները՝ Ֆոնդի փայերի (բաժնետոմսերի) մարման գծով պակաս ստացված կամ Ֆոնդի փայերի (բաժնետոմսերի) ձեռքբերման համար մասնակիցների ավել վճարված գումարի չափով


19.1.3. Ֆոնդի մասնակիցներին պատճառված այլ վնասներ, որոնք ներառված չեն սույն կետի 19.1.1 և 19.1.2 ենթակետերում:

	<p align="center"><b>«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ»</b> ՓԲԸ</p> <p align="center"><b>Հավասարակշռված կենսաթոշակային ֆոնդ</b> <b>Կանոններ</b></p>	Էջ՝ 33/34
		Կազմվել է՝ 10.12.2013
		Փոփոխվել է՝ 12.10.2017

- 19.2. Յուրաքանչյուր մասնակցին պատճառված վնասի չափի որոշումը, վնաս կրած անձանց ծանուցումը, ինչպես նաև հատուցումը իրականացնում է Ռեեստրավարը Կառավարչի հաշվին:
- 19.3. Վնասը համարվում է էական եթե դրա հետևանքով Ֆոնդի զուտ ակտիվների արժեքի փոփոխությունը գերազանցում է՝
  - 19.3.1. Ֆոնդի զուտ ակտիվների արժեքի 0.3 տոկոսը,
  - 19.3.2. Այն չի գերազանցում Ֆոնդի ՉԱԱ-ի 0.3 տոկոսը, սակայն Կենտրոնական բանկի հիմնավոր կարծիքով էական է, հաշվի առնելով դրա պարբերական բնույթը, Կառավարչի ներքին հսկողության պատշաճ գործընթացների բացակայության(դրանց չպահպանման) հետևանքով առաջանալու հանգամանքը

**20. Տեղեկատվության հրապարակում**

- 20.1. Կառավարչի կողմից տեղեկատվության բացահայտման հիմնական միջոցն է հանդիսանում տեղեկատվության հրապարակումը Կառավարչի ինտերնետային կայքում [www.amundi-acba.am] (այսուհետ՝ «Կառավարչի ինտերնետային կայք»), ինչպես նաև հրապարակումը տպագիր և/կամ էլեկտրոնային մամուլում:
- 20.2. Կառավարչի ինտերնետային կայքն առնվազն պարունակում է Ֆոնդին վերաբերող հետևյալ տեղեկատվությունը.
  - 20.2.1. Ֆինանսական հաշվետվությունները (առնվազն վերջին տարեկան և վերջին եռամսյակային) և տարեկան ֆինանսական հաշվետվությունների վերաբերյալ արտաքին աուդիտորի եզրակացությունը: Տարեկան ֆինանսական հաշվետվությունը և աուդիտորական եզրակացությունը պետք է հրապարակվեն նաև ՀՀ հրապարակային ծանուցումների պաշտոնական ինտերնետային կայքում (www.azdarar.am):
  - 20.2.2. Ֆոնդի ակտիվների արժեքը, ներառյալ՝ այդ ակտիվների կազմն ու կառուցվածքը, Ֆոնդի փայերի վերջին հաշվարկային արժեքը, ինչպես նաև տեղաբաշխման և հետգնման գները(եթե առկա են) և համապատասխան ամսաթիվը, որի դրությամբ դրանք ներկայացված են,
  - 20.2.3. Ֆոնդի եկամտաբերության վերաբերյալ տեղեկատվություն՝ ՀՀ ԿԲ-ի կանոնակարգ 10/17-ով սահմանված կարգով,
  - 20.2.4. Ցանկացած այլ տեղեկատվություն, որը կարող է պահանջվել օրենսդրությամբ, կանոնակարգերով և Կառավարչի ներքին իրավական ակտերով:
- 20.3. Կառավարիչը կարող է իր հայեցողությամբ հրապարակել և բացահայտել ցանկացած այլ տեղեկատվություն՝ օրենքով չարգելված ձևով և շրջանակում, ներառյալ՝ առանց սահմանափակումների ՉԼՄ-ների, էլեկտրոնային և տպագիր փոստի և այլնի միջոցով տարածվող գովազդային նյութերում:
- 20.4. Տեղեկատվության հրապարակման լեզուն հայերենն է: Կառավարչի հայեցողությամբ հայերեն հրապարակումները և այլ տեսակի բացահայտումները կարող են զուգակցվել այլ

	<p align="center">«ԱՄՈՒՆԴԻ-ԱԿԲԱ ԱՍԵԹ ՄԵՆԵՋՄԵՆԹ» ՓԲԸ Հավասարակշռված կենսաթոշակային ֆոնդ Կանոններ</p>	Էջ՝ 34/34
		Կազմվել է՝ 10.12.2013
		Փոփոխվել է՝ 12.10.2017

լեզուներով թարգմանություններով, ներառյալ՝ Կառավարչի Ինտերնետային կայքերում օտարալեզու հրապարակումները:

**21. Ֆոնդի տեսակի փոփոխումը, միացումը և դադարումը**

21.1. Ֆոնդի Տեսակի փոփոխությունը, միացումը և դադարումը կարող է իրականացվել օրենսդրությամբ սահմանված կարգով:

**22. Կանոնների ընդունումը, փոփոխությունը և վերաշարադրումը**

22.1. Սույն Կանոնների ցանկացած փոփոխություն և խմբագրում հաստատվում է Կառավարչի Տնօրենների խորհրդի կողմից, որից հետո Կանոնները 10-օրյա ժամկետում ներկայացվում են Կենտրոնական բանկ: Ներկայացված փոփոխությունները և խմբագրումները ուժի մեջ են մտնում Կենտրոնական բանկի խորհրդի կողմից գրանցվելու պահից: